




Inches  
Centimetres  
**TIFFEN** Color Control Patches  
© The Tiffen Company, 2007



稱謂錄第六本

卷三十一目

總督

巡撫

布政使

按察使

各道

河務官目

漕務官



465309

稱謂錄第六本

卷二十一目

總督

巡撫

布政使

按察使

各道

卷河務官目

漕務官



465349

鹽務官

卷二十二目

知府

同知

通判

知州

知縣

容教職目

理問目

經歷

軍

照磨

司獄

庫大使

倉大使

縣丞

主簿

巡檢

典史

驛丞

未入流

委員

尢官

卷二十三目

欽差

織造

關差

駐防將軍

都統

副都統

協領

參領

佐領

城守尉

提督

總兵

副將

參將

遊擊

都司

守備

千總

把總

卷二十四目

學政

總裁 主考

同考官

外簾官五

閱卷大臣

四元

三元

狀元

榜眼

探花

傳臚

甲第總稱

會元

會魁

進士

下第舉人

解元

經魁

舉人

武舉大魁者

孝廉方正

副榜

貢生

秀才

俗生

官學生

蔭生


監生

武生

童生

女童生

布衣



稱謂錄卷二十一

福州梁章鉅撰

男恭辰校刊



總督

總督 養新錄總督字始見於漢書敘傳云總督城郭三十有六南北朝史多用此字如晉書謝元傳以方平河北幽冀宜須總督魏書任城王澄傳以澄總督二鎮授之節度于烈傳遷司衛監總督禁旅南史柳仲禮傳與諸藩赴援見推總督劉之亨傳總督眾軍杖鉞而西吳明徹傳吾為總督必須身居其後王猛



傳總督所部赴援北史景穆十二王傳梁武以爲北道總督齊本紀節聞以長孫承業爲大行臺總督馬李常傳總督三軍揚旌恆朔李平傳陛下不以臣不武委以總督之任周書文帝紀拜章武公導爲大將軍總督留守諸軍是也爲官名入銜則自明始 案宋書太傅江夏王義恭與義宣書曰吾以不才忝權節鉞總督羣帥首戒戎先亦南北朝稱總督之一證也

總制 雷禮列卿紀宏治十年部議陝西三邊宜得重臣專任開府固原乃起王越總制陝西等處軍務巡撫以下咸奉約束十五年命奏總制軍務遂爲定規嘉靖十九年避制字始改爲總督 何景明送彭總制詩九重連授鉞萬里動征鼙

經制 文獻通攷宋徽宗宣和二年方臘初平浙江諸郡皆未有常賦乃詔除陳伯亨以大漕之職經制七路財賦許得移用監司聽其按察于是伯亨收民間印契及鬻糟醋之類爲錢凡七色是後州縣所有謂經制錢自伯亨始也紹興中又有總制司以參政孟

庾領其事其職略視經制司案宋之經制司卽今漕運總督之職至紹興中爲總制則總制之稱宋已有之明特因其舊耳然宋史總官志不載總制之稱止云紹興二年呂頤浩首以左僕射出都督江淮兩浙荆湖諸軍事置司鎮江頤浩還朝孟庾始以參知政事爲權同都督然則通攷所謂總制司卽宋史所謂都督歟此又古之都督卽今總督之一證也

都督 通典魏黃初三年始置都督諸州軍事或領刺史太和四年司馬懿征蜀加號大都督 杜預傳預

都督荆州勤于講武案都督以治軍刺史以治民

正如今總督之職

總閫案晉置大都統後周改爲總管隋遣刺史巡察

諸郡唐初復有總管加持節號爲節度使貞觀時邊

州別置經略其總督所由昉乎今稱總制或稱總閫

亦稱大樞臺

總理明史職官志總理南直隸河南山東湖廣四川

軍務一員崇禎八年設以盧象昇爲之與總督或分

或併又總理河漕兼提督軍務一員永樂九年遣尙

書治河自後開遣侍郎都御史成化後始稱總督河道案據此則明之總理與總督亦有微別但其職相似耳

節度使 唐之典天下之節度使有八曰關中朔方節度使曰河東節度使曰河北幽州節度使曰河西節度使曰隴右節度使曰劍南節度使曰嶺西節度使曰嶺南節度使 舊唐書地理志至德之後刺史皆治軍戎遂有防禦團練制置之名要衝大都皆有節度之數或易以觀察之號 案唐中葉以後節度屢

有增設或多賜軍號而觀察防禦亦多改爲節度使矣

使相 謝維新合璧事類故事節度使不帶使相位在卿監下乾德五年升節度在龍墀內金吾將上

宋史職官志遵唐制以節度使兼中書令或侍中或中書門下平章事皆謂之使相

都府 容齋三筆唐節使兵甲財賦民俗之事無所不領謂之都府

府公 劉禹錫詩府公既有朝中舊司馬應辭醉後狂

案唐幕僚稱節度觀察使爲府公蓋沿六朝王府臣僚稱其主爲府公之舊

經略使 經略安撫使 唐會要貞觀二年邊州別置

經略使 歷代職官攷宋制帥臣任河東陝西嶺南路職在綏撫御外藩則爲經略安撫使以統制軍旅河北及近地則止爲安撫使正如今總制兼巡撫之比而止爲安撫使者則如今巡撫之比也 案唐鳳

儀三年以黑齒常之爲河源軍經略大使永淳元年婁師德爲河源軍經略副使至德二年賀蘭進明除

嶺南五府經略兼節度使宋咸平五年始以右僕射張齊賢爲邠寧環慶原路經略使又以鄧州觀察使錢若水爲并代經略使寶元中夏人入寇始命陝西沿邊大將皆兼經略皇祐開儂智高擾邊詔知廣桂州並帶經略安撫使自後西南二邊常帶經略所以重帥權而服羌夷也其經略安撫各以直祕閣以上充掌一路兵民之事皆率其屬而聽其獄訟頒其禁令定其賞罰稽其錢穀甲械出納之名籍而行以法帥臣任河東陝西嶺南路職任綏御戎夷則爲經略

安撫使南渡之初 舊制廣南東路帶主管經略安撫使公事西路帶經略安撫使使持節 通典晉受禪使持節爲上持節次之假節爲下 案使持節如今之總督持節如今之巡撫假節則今之署督署撫也 行臺省 通典行臺省魏晉有之 歷代職官攷行臺專制一方實爲今制府之職其官職必以尙書僕射侍郎爲職亦猶今督撫之兼兵部尙書侍郎都御史也

巡撫

巡撫 養新錄巡撫字亦見于南北朝南史袁昂傳帝使豫州刺史李元履巡撫東土北史趙彥深傳文襄處河南有變仍自巡撫周書武帝紀詔皇太子斌巡撫西土是也爲官名入銜則自明始 中丞 漢書百官表御史大夫有兩丞一曰中丞外督部刺史 案巡撫之名始於前明正統十四年命都察院右僉都御史鄒來學巡撫順天永平二府紫荆等關景泰五年命副都御史李賓巡撫順天永平二

府天順元年革不行成化二年復以僉都御史闔本  
巡撫順天永平兼巡撫河間保定十七年又命副都  
御史楊濬巡撫增大名順德廣平凡八府今巡撫之  
稱中丞蓋沿于此明人如陳一元有送謝寤雲中丞  
移鎮粵東詩謝榛有送范中丞堯卿鎮贛州詩王世  
貞送周中丞巡撫江西詩江雲對擁中丞節至今遂  
沿爲故實然唐杜牧已有送中丞鎮江西詩惟帝憂  
南紀搜賢與大藩似亦卽今巡撫之任矣又按巡撫  
之名起於懿文太子巡撫陝西在洪武時則固不始  
於正統矣

撫軍 文選謝宣遠有王撫軍陝西陽集別詩時王宏  
遷監江州豫州之西陽新蔡諸軍事撫軍將軍江州  
刺史庾登之爲西陽太守此撫軍二字入銜之始  
安撫 存撫 宣撫 歷代職官志唐初遣大使十三  
人巡省天下諸州水旱則遣使有巡察安撫存撫之  
名攷唐之巡察使察舉州縣再周而代乃後世巡按  
之比其安撫存撫宣撫諸使則今巡撫之官所由昉

也

山堂羣文選左元海爲陝南西川節度使開

開府 山堂肆攷唐武元衡為劍南西川節度使開府  
 極一時之選 徐中行贈江中丞詩開府華公惠愛  
 深 案開府有總制巡撫及總理鹽法屯田漕儲河  
 渠 晉書職官志開府儀同三司漢官也殤帝延平  
 元年鄧騭為車騎將軍儀同三司之名始此也及魏  
 黃權以車騎將軍開府儀同三司開府之名起于此  
 也則稱開府者實始于魏

都堂 明史三邊都堂兩廣都堂漕運都堂巡撫都堂  
 俱從二品以欽差都察院御史為之

節鎮 明雷禮列卿紀巡撫總督全嘉靖始定設所謂  
 節鎮是也 案唐書狄仁傑傳持節江南巡撫使吳  
 楚多淫祠仁傑一禁止之凡毀千七百房明稱節鎮  
 即持節之義

古諸侯 楊次公詩文章老元帥節鉞古諸侯

大都憲 大憲臺 大柱國 李日華官制備攷巡撫

從三品稱大都憲大憲臺大柱國 案李日華明人  
 此蓋明制

布政使

布政使 明史職官志太祖下集慶自領江南行中書省戊戌置中書分省於婺州後每略定地方卽置行省平章政事從一品參知政事從二品左右司郎中從五品員外郎從六品都事檢校從七品照磨管勾從八品理問所正理問正四品副理問正五品知事從八品尋改知事爲提控案牘洪武九年改浙江江西福建北平廣西四川山東廣東河南陝西湖廣山西諸行省俱爲承宣布政使司罷行省平章政事左右丞等官改參知政事爲布政使秩正二品 案明

之布政使實卽元之行中書省而其改省爲司則始于洪武九年也互詳下行中書省注

方伯 禮記王制千里之外設方伯 啟儻職官志布

政使古方伯爲一州之表率仿於堯之四岳舜之十二牧禹之九州九牧周之八命作牧也 晉書褚裒

傳在官清約雖居方伯恆使私童採樵 儲光羲侍

郎除河南採訪使詩兩持方伯珪再轉諸侯蓋 案

自東漢以來多稱刺史爲方伯漢何武曰刺史上古之方伯上所委任一州表率也南齊張敬兒爲雍州刺



史史稱方伯以其為監司之職故也

牧伯 書周官外有州牧侯伯 李白詩出山揖牧伯

藩司 案古無藩司之稱梁沈約作齊安陸昭王碑文

有云藩司抑而不許李善文選注無釋藩司僅見于

此若唐人文集中所云藩垣藩岳者多以此稱節度

使而韋蘇州詩曰方知大藩地豈曰財賦強蓋節度

乃上州刺史從三品中州下州刺史皆正四品分上

階下階故皆可稱也宋人于節度從二承宣正四宣諭以

府大經略安撫直祕閣制置掌軍旅事不常置諸使臣充以上充制置或以安撫兼之

文武官皆以价藩開藩輔藩等用入文內亦有稱郡

守者是無一定之官也今則為布政使之專稱矣

藩府 邵伯温聞見前錄王懿恪拱辰熙寧初拜宣徽

使遍歷藩府

藩垣 詩价人維藩大師維垣 韓愈文自天寶以來

藩垣屏翰之任

藩伯 晉書郗恢傳孝武帝深器之為有藩伯之望

雄藩 舊唐書嚴綬傳前後統臨三鎮皆號雄藩 案

白詩旂節鎮雄藩

宣藩 蔡襄內制自升禁近之列屢委宣藩之重

名藩 天寶遺事袁克庭累典名藩皆有異政

大藩侯 李日華官制備攷布政司左右從二品稱大

方伯大藩侯

行中書省 參知政事 宣慰使司 元史百官志行

中書省每省參知政事二員從二品又宣慰使司秩

從二品每司宣慰使二員 歷代職官元立中書省

其官自丞相平章左右丞而下有參知政事二員明

初亦設之後罷行改參知政事爲左右承宣布政使

司是參知政事實布政使所自來也至宣慰使之職

布行省之政令于下而達郡縣之情于上亦猶今之

二司上承督撫下達府縣云爾 案魏以來爲刺史

唐爲巡察使及采訪處置使宋爲轉運其品秩與今

督撫相近元則外道各置行中書省有左右丞參政

等官明更定爲承宣布政使司司設左右布政使掌

一省政令故號紫薇省或稱藩鎮亦稱大岳牧

錢帛都提點 遼稱布政使曰錢帛都提點

節度觀察使 承宣使 宋史職官志承宣使舊名節

度觀察使留後政和七年改爲承宣使  
轉運使 租庸使 兩稅使 戶口使 文獻通攷天

寶以韋堅充句當轉運使第五琦充諸色轉運使劉  
晏充諸路轉運使開元十一年宇文融除句當租庸  
地稅使至德元載第五琦充江淮租庸使建中初分  
置汴東西水陸運兩稅使開元十二年宇文融充諸  
色安輯戶口使 案此皆如今布政使之職

漕司 文獻通攷乾德以後置諸道轉運使以總利權  
歷代職官志轉運之名雖肇于唐不過以爲一時之

制宋則責專任重稱爲漕司終代不易名

按察使

按察使 宋史王素傳擢淮南郡轉運按察使時新置

臬按察使類多以苛爲明素獨不撻細故 楊察傳歷

江南東路轉運使專以舉官爲急務人或譏之察曰

此按察職也 案按察之稱始於唐睿宗景雲時詳

下采訪處置使注宋仁宗時以轉運使爲按察使之

官蓋主巡察別有提點刑獄則轉運判官爲之常有

由內官出者遼聖宗命尙書劉京等分路按察刑獄

此按察為刑官之始金章宗承安四年始改提刑司  
 為按察使司宣宗貞祐二年罷按察司至于元乃稱  
 提刑按察使司世祖至元十四年定按察司職曰各  
 道按察使然不及廉訪使之尊世祖後又改按察司  
 為廉訪使均詳下注  
 泉司元史奕赫抵雅爾丁為建康道肅政廉訪司視  
 事見以獄具陳列庭下蹙然曰凡速至泉司皆命官  
 及有出身之吏廉得其情則將服罪獄具無庸也即  
 屏去之案此為元時廉訪使已稱泉司之證

泉 司泉 書康誥外事汝陳時泉 呂祖謙尚書精

義外事衛國之事康叔為周司寇王朝之官故以衛  
 國為外事也 吳澄詩天書下司泉 海嶠備寮采

陳基烏夜啼引執法霜台舊司泉 案稱按察使  
 為泉司始此

泉府 范梈杜廉訪使君詩泉府羣工表言官百世公  
 采訪處置使 黜陟使 觀察處置使 新唐書百官

志景雲二年置十道按察使開元二年改曰十道按  
 察採訪處置使天寶末又兼黜陟使乾元初改曰觀

察處置使

探訪使 雲麓漫抄開元二十四年四方都會之州各

置探訪使以總覆囚按察之任使臣有土自此始

六察官 東軒筆錄舊制轉運官銜帶按察二字慶歷

中沈邈辭坤欲盡究吏民之情乃取部吏之儉狷者

四人俾偵伺一人路而四人怙寵頗致騷擾時之山

東四張王達楊紈王鼎爲按寵尤苛暴時謂之江東

三虎仁宗知其事詔削去按察二字至熙寧中出台

閣新進分按諸事謂之察訪又分三院御史爲六察

官以督中外事自是按察之政復行矣

提點刑獄 宋史太宗紀淳化二年置提點刑獄官

山堂肆攷宋置諸路提點刑獄卽按察也宋諸州觀

察使亦是其職

提刑司 金史張暉傳時上封事者言提刑司可罷暉

上疏曰唐開元中或請選擇守令停探訪使姚崇奏

請十道探訪猶未盡得人天下三百餘州縣多數倍安

得守令皆稱其職然則提刑之任誠不可罷 又百

官志按察司本提刑司承安四年改按察司 歷代

職官志宋監司以轉運及提刑為最重提刑即今按察使之職所謂憲司也按察之名實自金始

肅政廉訪使 元史百官志至元二十八年改按察司為肅政廉訪司正三品

廉訪使 元史烏古孫澤傳至大元年改福建廉訪使澤素有德於閩有芝五色產於憲司之澄清堂閩人謂澤之所致

廉使 合璧事類柳公綽為岳鄂觀察使安州刺史李聽以廉使之禮事之虞集有送魯子輩廉使之漢中

詩 案通典有廉訪使廉使正字通今稱臬司續通典魏謩疏曰韋長任膺廉使時長為觀察使是唐稱觀察為廉使也

廉鎮 天中記李德裕身居廉鎮獻丹辰六箴 按廉鎮即觀察使也

廉車 舊唐書崔郾傳凡三按廉車率由清簡大廉憲 官制備攷按察使廉使正三品稱大廉憲大憲台

柏臺 蘇軾詩暗遊應避柏臺驄 案柏台本御史府

之名杜易簡侍御史廳前柏贊爰有貞柏徙植清台是也因唐制至德後諸道使府參佐皆以御史爲之謂之外台故柏臺之名亦移而之外耳 又案李日華官制備攷巡按止七品稱大柱史大烏臺大相臺則明以此稱巡按御史

烏臺使君 元迺堅賦鸚鵡送僕世南廉使之海南詩烏臺使君午夢醒隔簾細雨春冥冥 案按察亦漢刺史唐觀察宋轉運之職元于行中書外舍各道別置提刑按察使明按察使有按察使副使僉事今惟

有按察使掌一省刑名事亦稱廉訪或稱廉憲 員外連帥 山堂肆攷古有方伯連帥之職連帥卽今之按察使也

各道

分守道 分巡道 案明史職官志分守道以布政司參政參議爲之分巡道以按察司副使僉事爲之我朝初制亦因其舊乾隆十八年均裁去參政參議副使僉事等銜定守巡道均爲正四品

兵巡道 兵備道 明史職官志廣西桂林兵巡道駐

省蒼梧兵備道駐梧州左江兵巡道駐南甯右江兵巡道駐賓州上五巡道俱兼兵備

兵糧道 巡海道 明史職官志甯夏河東兵糧道駐

衣馬池又福建有兵備道巡海道兼理糧儲 案明

代兵道之設仿自洪熙間以武臣疏于文墨遣參政

副使沈固劉紹等往各總兵處整理文書商榷機密

未嘗身領軍務也至宏治中本兵馬文升慮武職不

脩議增副僉一員敕之自是兵備之員盈天下

督糧道 明史職官志督糧道十三布政司各一員俱

駐省城

督冊道 明史職官志督冊道江西陝西等閒設 案

以參政參議爲之

清軍道 驛傳道 協堂道 水利道 屯田道 管

河道 鹽法道 撫治道 監軍道 招練道 明史

職官志浙江山西陝西福建廣西貴州清軍道兼驛

傳江西右布政使清軍道又有協堂道 副使河南水

利道 浙屯田道 江西河南四川三 管河道 南鹽法道

撫治道 陝西撫治商治道湖 監軍道 因事不 招練道



山東案均以按察副使或僉事為之 前代各道名

目最繁如唐之支使副使僉事團練使防禦使宋元

之提舉使屯田使勸農使明制又有派管糧儲屯田

清軍驛傳水利撫民撫苗提學管河監軍招練撫治

諸使類皆因事立名並非常設而提學重職偏臬司

河防巨工向無專掌斯亦不足觀也已

觀察 通典至德之後改採訪使為觀察 文獻通攷

至道元年置觀察使宋沿唐制置諸州觀察使 案

前代所置觀察使蓋節度使以下之通稱有承宣之

名者與布政使同有黜陟之名者與按察使同我

朝始定于藩臬之下設守巡各道而觀察之稱遂專

屬於各道矣

觀察副使 觀察支使 新唐書百官志觀察副使支

使各一人

轉運副使 同句當轉運事 文獻通攷唐置諸道巡

院五代罷巡院始置轉運使又置副使與諸路判官

又置同句當轉運事 宋史李迪為轉運使以小冊

記兵及糧以備調發 歷代職官表同句當轉運事

及副使如今之糧儲各道也

左右參政 左右參議 明史職官志左右布政使各

一人左右參政左右參議無定員 吾學編布政使

掌一省之政參政參議爲之副 案我朝初承舊

制亦設布政司左右參政參議曰守道至乾隆十八

年省去參政參議等銜定爲分巡各道又案獻徵錄

王珪爲山東布政司左參政祝顥爲山西參政崔陞

爲四川參政胡廩爲福建右參政韓邦靖爲山西左

參議閻欽爲河南右參議朱貞爲四川布政司參議

皆今之巡道也

大參少參 李攀龍有送羅大參之任山西詩吳國倫

有送徐行父少參赴關內詩 案大參卽參政少參

卽參議也

按察副使 按察僉事 案獻徵錄諸僑爲貴州按察

大副使吳嘉聰爲山東按察副使葛廷章爲江西按察

副使江應軫爲江西僉事崔碧爲山東按察僉事徐

觀爲雲南按察僉事陳璫爲廣西僉事皆今之道也

又續文獻通攷明設按察使一人副使二人僉事如

之按察使掌一省刑名按劾之事副使僉事爲之貳  
廉訪副使元史百官志每道廉訪使二員正三品副

二員正四品

大憲副大僉憲李日華官制備攷按察副使正四

品稱大憲副按察僉事正五品稱大憲僉

監司合璧事類宋以武臣爲副使議者謂武臣不可

爲監司罷之宋史職官志以七事攷監司案宋

大之副使卽今各道之職故今人以守巡各道爲監司

其實古制自布政使以下皆稱監司劉昭續漢書注

引晉太康語曰二千石專治民之重監司清峻于上

吳曾能改齋漫錄引晉徐邈與范甯書曰舉公方之

人以爲監司謂監司之名始此蓋皆指當時刺史言

之

方面常衮權湖南觀察使制識略沈達可以專方

面之任案明史職官志明初制恐守令貪鄙不法

故于直隸府州縣設巡按御史各布政使司所屬設

試僉事已罷試僉事改按察分司四十一道此分巡

之始也分守起于永樂閒每令方面官巡視民瘼後

遂定右參政右參議分守各屬府州縣

河務官

河道總督 皇朝通攷河道總督掌黃河運河之政

案明史惟總督河漕兼提督軍務一員正德四年定

設都御史嘉靖二十年加工部職銜提督河南山東

直隸河道隆慶四年加提督軍務萬曆五年改總理

河漕兼提督軍務然則分河道與漕運爲二員者蓋

始于我朝也

總河 副總河 皇朝通攷初設河道總督一人總理

兩河事務雍正二年設副總河一人管河南河務四

年兼山東河務七年分南北兩河一管理江南一管

理山東河南八年設直隸總河一人協理一人後改

歸直隸總督 案予道光三年任江南淮海道存有

令箭二座 知則前由副總河改爲道署故體制獨

崇于他道

河標中軍 皇朝通攷副將爲總河督理河員並稽核

王汛者曰河標中軍

都水使者 都水監 外都水使者 通典武帝以都

水官多置左右使者以領之。歷代職官攷都水使者居京師有河防重事則出而治之則卽今總河之任也。案六朝時又名都水台使者唐以後又名都水監所掌皆同。又案宋史元豐正名置使者一人丞二人南北外都水丞各一人都提舉官八人監埽官百三十有五人皆分職莅事。元祐八年詔提舉汴河堤岸司隸本監四年復置外都水使者。

河隄謁者。通典東京凡都水皆罷之併置河隄謁者。歷代職官表漢侍御史秩六百石據後漢書傳稱王景由侍史遷河隄謁者則其秩當千石是東漢之河隄謁者卽西漢之都水使者矣。

大舟卿。隋書百官志大舟卿主舟航河隄。通典梁

改都水使者爲大舟卿隋因之。

司津。唐書百官志龍朔二年改都水監曰司津使者曰監。

提舉河渠司。都大提舉河渠司。宋史河渠志至和

二年李仲昌提舉河渠又云熙寧六年始置修濬黃

河司差范子淵都大提舉。元史百官志都水監秩

從三品掌治河渠並隄防水利橋梁牐堰之事至元二十八年置二十九年領河道提舉司大德六年陞正三品延祐七年仍從三品大都河道提舉司秩從五品案元之都水監乃漢官名而河道提舉司則襲宋舊稱也都水監三品不若今總河之尊河道提舉司五品正與河工同知相似矣

都大制置 宋史河渠志塘灤塘水所聚因以限遼河北屯田司緣邊安撫司皆掌之而以河防轉運司兼都大制置 歷代職官表河北轉運使制置塘灤若

今直隸總督兼總河之職而緣邊屯田安撫司掌塘灤若今直隸通永清河大名大順廣等道兼河務之事也又云元祐時令轉運使副皆兼都水事此卽今日各河道之職也

總治河防使 元史賈魯傳至正十一年命賈魯以工部尙書爲總治河防使

河隄判官 宋史河渠志開寶五年詔自今開封等十七州府各置河隄判官一員又乾德五年詔開封大名府鄆瀆滑孟濮齊淄滄棣濱德博懷衛等州長吏

並兼本河隄使 案河隄判官卽今河工同知以下等官專理河務者也其開封等府州各兼本州河隄使卽今府州縣之兼理河務者也

漕務官

漕運總督 皇朝通攷漕運總督一人掌運漕之政

總漕 明史職官志成化八年分設巡撫總漕各一員

皇朝通攷漕運之司趨運統于總漕

都漕 宋史職官志宣和初又詔陝西以都漕兩員總

治於長安而漕臣三員分領六路

大漕 宋史職官志宣和三年方臘初平江浙諸郡皆未有常賦乃詔陳伯亨以大漕之職經制七路財賦許得移用監司聽其案察

漕止 唐書百官志注貞觀六年置漕止一人監漕一人漕史一人 案此亦總漕所由昉也

大監部 隋書郭衍傳衍爲開漕渠大監部率水工鑿渠引渭水經大興城北東至潼關漕運四百里關中賴之 案此爲今之漕運總督

諸道發運使 水陸發運使 舊唐書食貨志開元二

十二年以裴耀卿充江淮河南都轉運使新唐書

李傑傳先天中進陝州刺史水陸發運使案水陸

發運使後又曰水陸運使又曰水陸轉運使皆今總

漕之職也

發運使宋史薛奎傳奎遣江淮制置發運使疏漕河

廢三堰以便餉運案宋史職官志發運使副判官

掌經度山澤財貨之源漕淮浙江湖六路諸廩以輸

中都而兼制茶鹽錢寶之政

漕運使明史職官志太祖時嘗置京畿都漕運司設

漕運使注云洪武元年置漕運使正四品知事正八

品提控案牘從九品屬官監運正九品都綱省注十

四年罷

轉運租庸使劉晏傳領東都河南江淮轉運租庸使

移書宰相元載以為運之利與害各有四載得書即

盡以漕事委晏

護漕都尉督運御史漢書列傳朱博為護漕都尉

後紀建武七年罷晉太元六年置督運御史只官

漕標中軍皇朝通攷副將為總漕催護漕船督率官



弁者曰漕標中軍

漕運總兵官 明史職官志永樂閒設漕運總兵官

隨軍轉運使 宋史職官志有軍旅之事則供餽錢糧

或令本官隨軍移運或別置隨軍轉運使一員 案

此今之糧臺也

### 鹽務官

都轉 宋史職官志都轉運使轉運使副使判官掌經

度一路財賦而察其登耗有以足上供及郡縣之費

歲行所部檢察儲積稽攷帳籍凡吏蠹民瘼悉條以

上達 案宋之都轉運使蓋如今糧道之職而今則

都轉之稱專屬於鹽運使矣蓋始于明史職官志

鹽運使 明史職官志都轉鹽運使司運使專掌鹽鹽

之事謹受令於巡鹽御史以聽於戶部同知副使判

官佐之凡分司鹽課司鹽倉批驗所悉隸焉所謂同

知副使判官正今之運同運副運判是

轉運司 宋史趙開傳開指陳權茶買馬五害請盡罷

權茶如謂權茶未可遽罷亦宜併歸轉運司

都運 大漕侯 漕貳 歷代官職攷運使一名都運

亦稱大漦侯運同運判運副稱漦貳亦稱大佐賦提  
舉名鹽制置司李日華官制備攷鹽運使從三品  
運同從四品並稱大漦侯

鹽鐵使 權鹽使 冊府元龜乾元元年第五琦創立

鹽法置鹽鐵使又元和三年復以度支安邑解池兩

池留後權鹽使 案唐叛臣傳李錡遷浙西觀察諸

道鹽鐵轉運使清異錄王播拜諸道鹽鐵轉運使錢

惟演傳子暄進少府監權鹽鐵副使宋史趙傳除成

都轉運判官平準書桑弘羊請置大農部丞數十人

分部各縣置均輸鹽鐵官亦即今之運使運副運判

各場官所由昉也 案其下鹽官吏目又鹽官大吏

司鹽都尉 司鹽監丞 官通典魏制第六品司鹽都尉

第八品司鹽監丞 案都尉之職近于今之都轉鹽

運司監丞則運同之類也 案其下鹽官吏目又鹽官大吏

鹽人 周禮天官鹽人掌鹽之政令舉鹽官 案其下鹽官吏目又鹽官大吏

朱餘 越絕書朱餘越鹽官越謂鹽曰餘

幹官 漢書百官公卿表幹官注幹音筦主也主均輸

之事所謂幹鹽鐵而權酒沽也 案其下鹽官吏目又鹽官大吏

鹽鐵官 史記武帝紀元狩四年置鹽鐵官

租庸使 玉海唐肅宗初第五琦請于江淮置租庸使

吳鹽皆有稅案此即鹽運使所自昉

提舉制置解鹽司 宋史職官志提舉制置解鹽司掌

鹽澤之禁令使民入粟塞下予鈔給鹽以足用而實

邊備


鹽課提舉司 明史職官志鹽課提舉司提舉一人其


職掌如都轉運司案其下屬有吏目及鹽課大使

等職今多仍其名

場差官 續文獻通攷元世祖立鹽法頻海州郡立場

差官





稱謂錄卷二十二

福州梁章鉅撰

男恭辰校刊

知府

知府 陸游渭南集權知府自李符始 宋朝政畧凡

大命知府必帶權字以翰林為之翰林學士及雜學士

若待制則權發遣而已 日知錄唐制京都乃稱府

至宋則潛藩之地皆升為府宋初太宗真宗皆嘗為

府尹後無繼者乃設權知府一人以待制以上充崇

甯三年蔡京乞罷權知府置牧尹各一員牧以皇子

領尹以文臣充是權知府者所以避京尹之名今則直命之為知府非也

郡守通典郡守秦官秦滅諸侯以其地為郡置守丞

尉各一人

太守二千石 漢書百官表郡守掌治其郡秩二千

石二年改名太守通典秦分天下為三十六郡置

守漢書宣帝紀治郡國二千石謹牧養民又詔曰

與我共治者惟良二千石乎

郡將漢書酷吏傳注謂郡守為郡將者以其兼領武

事也通典晉郡守皆兼將軍無者為恥 案郡將

始見馬援傳宋時郡守稱郡將蓋以朝臣出知列郡

其結銜稱知某州軍州事者文獻通考謂軍為兵州

謂民政有事則軍馬錢糧悉歸調遣郡邑武臣皆其

所屬故有是稱

郡將軍魏志杜畿傳注昨日功曹今為郡將軍也

案畿拜河東太守郡將軍亦太守之稱

大尹漢書王莽傳改郡太守為大尹 白居易詩河

內南大尹頭如雪

內史省 晉書職官志改太守為內史省

典郡 後漢書馬嚴傳刺史太守專州典郡

府君 北史崔悛傳石愷為太守經悛宅謂少年曰諸

郎輩莫作賊太守打殺人悛顧曰何不答府君下官

家不作偷驢摸犢賊

府主 潘岳閒居賦府主誅除名為民亦稱府公

府公 見上

連率 後漢馬援傳援兄貧時為增山連率註連率太

守也率即帥字

總管 明黃宗羲集答鄭禹梅修家譜問元官制有揚

州知府杭州知府名不答以元官制諸路設總管府

達魯花赤之下為總管總管之下為同知治中判官

散府則達魯花赤之下置知府或府尹揚州杭州皆

為上路則有總管而無知府今紹興杭州多有總管

廟皆昔守郡者之生祠也若於二府稱知府則是後

人妄加

節下 鈴下 第下 王志堅表異錄唐稱太守曰節

下又云鈴下又云第下

五馬 潘子真詩話太守駟馬而已其有加秩中二千石乃右驂故以五馬為太守美稱 遜齋閒覽漢時朝臣出使為太守增一馬故曰五馬 杜甫詩人生五馬貴莫受二毛侵 古陌上桑詞使君從南來五馬立踟躕 案泊宅編謂太守為五馬者多疑所出據詩子子干旟良馬五之鄭氏云建旟州長之屬殆以是乎

黃堂 郭丹傳今功曹推賢可謂至德敕以丹事編署黃堂以後為法注黃堂太守之廳事 湘素雜記天

子曰黃闔三公曰黃閣給事舍人曰黃扉太守曰黃堂 案太守堂塗以雌黃厭水災也故稱

專城伯 蘇頌詩所貴專城伯 案專城伯昔為郡守也

古諸侯 南史循吏傳前史云今之郡守古之諸侯曾鞏詩不知官是古諸侯

同知

同知 明史職官志府知府一人正四品同知正五品州知州一人從五品同知從六品 案以同知為佐

貳之稱實始於宋然不以此稱郡佐官也如樞密院  
有知院事一人則有同知院事一人為之貳大宗正  
司擇宗室賢者為知大宗正事次一人為同知並見  
宋史職官志若以同知為郡佐官蓋始於明

司馬 上佐 周必大通判廳記云郡丞秦官惟掌兵  
馬自漢迄唐其名不常曰別駕曰司馬曰治中曰長  
史雖均號上佐其實從事之長耳 案職源別駕長  
史司馬通謂之上佐

方外司馬 王晞傳除并州長史性閒澹寡欲雖王事

鞅掌而雅操不移人士謂之方外司馬

郡丞 長史 文獻通考秦置郡丞以佐守在邊為長  
史掌兵馬 後漢書百官志每郡置太守一人丞一

人郡當邊戍者丞為長史王國之相亦如之

郡尉 都尉 漢書百官表云郡尉秦官掌佐守景帝  
更名都尉

郡佐 常建詩宿帆謁郡佐

邦佐 裴昭明傳昭明為長沙郡丞罷佐曰下官忝為  
邦佐



通守 內史 隋書百官志開皇中罷州置郡郡置太

守其後諸郡各加置通守一人位次太守京兆河南

則謂內史

端僚 事文類聚清就端僚之列案謂長史也

通判

通判 宋史職官志宋初懲五代藩鎮之弊乾德初下

湖南始置諸州通判稱通判自宋始

州判 日知錄宋敏求曰凡節度州爲三品刺史州爲

五品國初曹翰以觀察使判潁州是以四品臨五品

州也同品爲知隔品爲判自後惟輔臣宣徽使太子

太保僕射爲判餘並爲知州 案宋之州判蓋以尊

於知州者爲之今則知州尊於州判矣

同判 齊東野語章憲皇太后諱通嘗改通判爲同判

別駕 文獻通考云漢于定國條州大小爲設吏員別

駕治中諸郡從事秩六百石 三國志龐統傳云龐

士元非百里才也使處治中別駕之任始展其驥足

耳 晉書職官志州置刺史治中別駕從事諸曹從

事等員按司馬唐曰別駕凡刺史行部從事別乘一

乘傳車從行故謂之別駕

倅 賓退錄通判曰倅

倅車 山堂肆考胡文恭行張士燮制分乘倅車 按

倅乃副車今以通判為倅者周禮謂別為長史司馬

乃太守之副車也

倅貳 宋史刑法志每歲冬夏詔提刑行郡決囚提刑

憚行悉委倅貳倅貳不行復委幕屬

郡倅 虞集詩鄉人遊雪界郡倅試冰銜

守倅 宋史御史臺總帥闕監司監司總守倅守倅總

州縣屬官

貧倅 陸游詩宦途至老無餘俸貧倅還如筮仕初

監郡 監州 歸田錄國朝自平湖南始制諸州通判

既非副貳又非官屬常與諸州爭權每云我是監郡

朝廷使我來監汝舉動為其所制又云諸州置通判

謂之監州有錢昆少卿者嗜蟹嘗求補外郡人問所

欲何州曰但得有蟹無監州處則可矣 案趙抃言

通判古監郡之職一州利害全藉

州佐 李嶠為王華謝兄官表臣兄自歸解巾從仕三

十餘年五爲縣宰三遷州佐  
崔嘏授盧攸河南縣令等制國朝之制自外府  
正郎至於郡丞半刺不由會府之所選授者中外臣  
僚歲終得以聞薦  
庾亮答郭豫書別駕舊與刺史  
別乘其任居刺史之半  
劉克莊送詹通判詩半刺  
已官尊  
洪邁詩風流夸半刺  
上綱  
易雄傳舉孝廉爲州主簿遷別駕自以門寒不  
宜久處上綱謝職還家

佐吏  
通典州之佐吏漢有別駕治中

祖公  
朱國幘湧幢小品賀朝用縣竹人將赴滇別其  
署事州判溫君溫請曰先生遠行何以教我應曰祖  
公萬福但三日後有小災  
案明時稱地方官曰祖  
公卽今公祖之稱所由昉矣

掌書記  
小學善行篇張文節公爲相自奉如河陽掌  
書記時注掌書記府佐貳之官宋時位通判之下

知州

知州  
宋史職官志宋初革五季之患召諸鎮節度會  
於京師賜第以留之分命朝臣出守列郡號權知軍

州事軍謂兵州謂民政焉其後文武官參爲知州軍  
事二品以上及帶中書樞密院宣徽使職事稱判某  
府州軍監 日知錄宋葉適言五代之患專者藩鎮  
藝祖思靖天下以爲不削節度則其禍不息於是始  
置通判以監統刺史而分其柄命文臣權知州事使  
名若不正任若不久者以輕其權是宋初本有刺史  
而別設知州以代其權後則罷刺史而專用知州以  
權設之名爲經常之任矣

牧 漢百官表武帝初置部刺史掌奉詔條察州成帝  
更名牧秩二千石

刺史 唐書張九齡傳六合元元之衆懸命於縣令宅  
生於刺史又陳子昂傳一州得才刺史十萬戶賴其  
福得不才刺史十萬戶受其困 新唐書地理志唐  
興高祖改郡爲州太守爲刺史夫日知錄秦置御史  
以監諸郡漢省丞相遣史分刺州不常置武帝元封  
五年初置十三州刺史各一人魏晉以下爲刺史持  
節都督隋文帝開皇三年罷郡以州統縣自是刺史  
之名存而職廢後雖有刺史皆太守之互名有時改

郡爲州則謂之刺史有時改州爲郡則謂之太守非舊刺史之職理一郡而已由此言之漢之刺史猶之巡按御史魏晉以下刺史猶今之總督隋以後之刺史猶今之知府及直隸知州也

州長 周禮地官州長每州中大夫一人

邦伯 書經侯甸男衛邦伯孔安國注邦伯卽州牧也書敘指南韓愈曰邦伯

所由 唐書崔成傳丞相不宜與所由咕囁耳語合案所由謂郡官也

守屏 山堂肆考守屏謂州牧也

劇州 蔡邕幽冀刺史久闕疏張敞亡命擢受劇州

列州 唐書李吉甫傳吉甫疾吏員廣乃奏曰今列州三百縣千四百邑設州以鄉分縣費廣制輕非致化之本

獨奏州 唐六典渤海土民建國之制有十五府以統領諸州而別有郢銅涑三獨奏州不隸於府而直達於京國 案此卽今直隸州所由昉也

防禦州 刺史州 續文獻通考金州名不同設防禦

者謂之防禦州設刺史者謂之刺史州 歷代職官  
表金以刺史治州猶今之直隸州也 案今人稱州  
為刺史殆始於此

知縣

知縣 雲麓漫鈔唐制縣令缺佐官攝令曰知縣事李  
翱任工部誌文云攝富平尉知縣事是也今若京官  
曰知縣差選人曰令與唐異矣 宋史職官志若京  
朝幕官則為知縣事

明府 明廷 唐書張儉傳李篤稱外黃令毛欽為明

府 表異錄唐人稱縣曰明府漢人謂之明廷

令 長 漢書百官表縣令長皆秦官掌治其縣萬戶  
以上為令萬戶為長

縣令 蘇軾詩淵明求縣令本緣食不足

京縣令 唐書百官志京縣令 一人正五品上考唐制

縣令又有上縣令中縣令下縣令尉亦如之

令君 梅磻詩話梁鄭公克家未第時為潮州揭陽宰

有梅九月盛開邑士多賦詩詣令君梁公亦賦一篇

長官 談苑有人問秀州崇德縣民長官清否曰醬水

色言不清不濁也 元稹詩長官清貧太守好

村長官 東坡長子邁少年作詩先生見之笑曰此村

長官詩後為潮之安化令卒於官

宰尹公 大夫 通典縣邑之長曰宰曰尹曰公

曰大夫 注云晉謂之大夫魯衛謂之宰楚謂之令尹 晉良吏傳贊猗歎

良宰嗣美前賢 李白贈從孫詩天子思茂宰 杜

甫送趙明府之縣詩茂宰得才新 朱灣詩今朝茂

宰尋真處暫駐雙鳧且莫歸 案漢卓茂為密令有

聲故用以比宰邑者

宰君 駭聞錄開寶中神泉令張某貪黷一日榜懸門

曰某月某日知縣生日不得獻送曹吏議曰宰君明

言生日意令我輩知也

縣尹 韓愈詩鄙夫忝縣尹

縣大夫 宋史竇儼傳請改諸縣令為縣大夫陞為從

五品下

縣正 周禮地官縣正每縣下大夫一人

縣主 北史元志為洛陽令與御史中尉李彪爭道志

言神鄉縣主豈有俯同眾官趨避中尉遂命分道而

行

列縣 戰國策周曰是列縣畜我也

百里 漢書明帝紀郎官上應列宿出宰百里又仇覽

傳王渙曰百里豈大賢之路注時渙爲縣令故自稱

百里 北史元文遙傳魏宰縣多用廁濫至於士流

恥居百里文遙以縣令爲士人之切遂請革選於是

密令搜揚貴游子弟發敕用之士人爲縣自此始也

雷封 白居易六帖雷震百里故知縣稱雷封

父母官 王禹偁小畜集謫居感事詩萬家呼父母自

注云民間呼令爲父母官 按尊稱條可參看

監河侯 嬾真子莊子之時已有縣令引史記莊子列

傳秦孝公十二年並諸小鄉爲一縣縣一令且周嘗

往來於楚魏之間所謂監河侯乃西河上一縣令也

時但以侯稱之耳監河侯云我得邑令是以知爲縣

令也 案今莊子我得邑金非令字又監河侯說苑

作魏文侯乃以爲西河上縣令恐亦是臆說但其書

見稗海中姑備一解可也

士 儀禮喪服傳公卿大夫室老士貴臣注又曲禮上



士此亦士之辱疏又雜記士次於公館注士謂邑宰也  
達魯花赤 元史百官志至元中以縣陞州者四十有

四州縣並以尹名兼設達魯花赤一員今國朝改  
為達魯花齊

軍尼 北史倭國傳倭國官有軍尼猶中國牧宰也八

十戶置伊尼翼猶里長也十伊尼翼屬一軍尼

教職

教授 楊時傳張舜民薦之得荊州教授 宋史廖德

明傳初為潯州教授 淵源錄胡文定公安國除荆

南教授 容齋四筆上舒州桐城人為黃州教授有

詩云官閒無一事胡蝶飛上階東坡稱賞再三 明

史儒學府教授一人訓導四人州學正一人訓導三

人縣教諭一人訓導二人

教諭 明史張起巖傳為福山縣教諭值縣官捕蝗移

攝縣事聽斷明允民相率曰若得張教諭為真縣尹

吾屬何患焉

訓導 唐書職官志訓導有方生徒充業為學官之最

南史明山賓傳山賓累居學官甚有訓導之益諸生

皆愛之 按訓導之為官名所由昉也

廣文 唐書鄭虔傳元宗愛其才為置廣文館以虔為

博士時號鄭廣文 杜甫詩廣文先生官獨冷今概

以學官為廣文矣

博士 隋書梁大同七年國子祭酒到溉等表立正言

博士一人位視國子博士

學博 文獻通考唐府郡置經學博士各一人掌以五

經教授學生多寒門鄙儒為之 案今稱教官為學

博由此

教官 宋史職官志元祐元年詔齊廬宿常等州各置

教授一員自是列郡各置教官 明史選舉志明初

優禮師儒教官擢給事御史諸生歲貢有易得其美

官

校官 雲麓漫鈔東漢永平十年召校官弟子作雅樂

奏鹿鳴則東漢時鄉縣已有校官稱矣

儒官 魏書明帝詔云尊儒貴學王教之本儒官或非

其人將何以宣明聖道

冷官 蘇軾詩冷官無事屋廬深

文學 唐書文學一人從八品上掌以五經授諸生或

云外官

文學掾 歷代沿革漢魏以來郡國各有文學掾 案

卽學官也

郡文學 文獻通考西漢以郡文學入官梅福雋不疑

韓延壽王章蓋寬饒諸葛豐鄭崇張禹

泮宮先生 蘇軾詩泮宮先生非俗儒

經師 漢書平帝紀立學宮郡國曰學侯國曰校校學

置經師一人鄉曰庠聚曰序序庠置孝經師一人

儒林祭酒 文學祭酒 儒林參軍 典學從事 五

代稱教授曰儒林祭酒又曰文學祭酒又曰儒林參

軍蜀稱曰典學從事

勸學從事 蜀稱州學正曰勸學從事

書學論 螢雪叢說洪內翰景盧主泮三山以林少穎

爲書學論

武學教授 武學博士 武學論 文獻通考熙甯六

年侍御史劉孝孫請武科同大義十道與策問分作

三場十月九日申詔中高第擢爲武學教授 案後

遂置武學博士以文官充朱子亦嘗爲之宋史又有

和言金 卷二十一  
武學博士武學諭崇甯元年置又按慶曆三年詔置武學於武成王廟以阮逸爲教授則在熙甯前

理問

理問 明史職官志布政使司理問所理問一人從六品副理問一人從七品理問理刑名

司理 文獻通考五代以來諸州皆有馬步獄以牙校充馬步都虞候掌刑法謂之馬步院宋太祖慮其任私高下其手開寶六年始置諸州司寇參軍以新進士及選人爲之後改爲司理掌獄訟勘鞠之事 案

司理殆理問之稱所由昉乎

推官 新唐書百官志節度使有副大使知節度事行軍司馬副使判官支使掌書記推官巡官衙推各一人觀察使有副使支使判官掌書記推官巡官衙推隨軍要籍進奏官各一人團練使有副使判官推官巡官衙推各一人防禦使有副使判官推官巡官各一人案宋史開封府牧尹不常置權知府一人其屬有判官推官四人日視推鞠分事以治而佐其長紹聖元年知府事錢勰言自祖宗以來並分左右廳

置推官各一員臨安府有節度推官觀察推官又明  
史府推官一人理刑名贊計典惟各府推官洪武三  
年始設

### 經歷

經歷 明史職官志布政使司經歷司經歷一人從六  
品按察使司經歷司經歷一人正七品鹽運使司經  
歷一人從七品府經歷一人正八品案經歷之官蓋  
始於明

六曹掾 文獻通考政和初改各州判叅軍爲士戶儀

兵刑工六曹掾則爲今經歷照磨之屬

### 照磨

照磨 元史百官志照磨正八品掌磨勘左右司錢穀  
出納營繕料例凡數計文牘簿籍之事

錄事叅軍 司錄 文獻通考後漢有郡主簿官在漢

魏閒及江左爲督郵主簿後魏洎隋皆有錄事叅軍  
煬帝置郡有東西曹掾及主簿唐武德後爲錄事叅  
軍開元改司錄叅軍掌正違失蒞符印 案以蒞符  
印言之殆卽今之府照磨廳

司獄

司獄 明史職官志布政使司按察使司及府均有司

獄司司獄一人

司法叅軍 新唐書百官志法曹司法叅軍事掌鞠獄

麗法督盜賊知贓賄没入

庫大使

庫大使 明史職官志布政使司鹽運使司均有庫大

使一人

司戶叅軍 新唐書百官志戶曹司戶叅軍事掌戶籍

計帳 文獻通考宋朝沿唐制諸州置司戶叅軍掌

戶籍賦稅倉庫交納 案唐之司戶不主倉庫至宋

乾道六年汪大猷乞令司戶專差主倉庫則與今之

庫大使正同

倉大使

倉大使 明史百官志布政使司有倉大使一人副使

一人鹽運使司有鹽倉大使一人副使一人

司倉叅軍 新唐書百官志倉曹司倉叅軍事掌租調

公廩庖廚倉庫市肆

縣丞 祖食軍市舉

縣丞 長吏 漢景帝詔縣丞長吏也百官表縣皆有

丞尉秩四百石至三百石是為長吏

縣尉 唐制京縣尉從八品下土縣尉從九品上中縣

尉下縣尉皆從九品下

贊府 贊公 容齋四筆唐人稱縣丞為贊府又為贊

公見李白詩

命卿 漢官儀大縣丞左右尉所謂命卿三人中下縣

一丞一尉命卿二人

閒官 唐大中四年敕州有上佐縣有丞簿俗謂之閒

官 蘇軾詩知有閒官走山邑放曠不與趨朝衙

麻普 遼史國語解麻普即麻都不縣官之副也初名

達刺于亦縣丞之類

主簿

主簿 晉書孫錄傳少為縣吏轉主簿自微賤登綱紀

時僚大姓不與同坐 唐書百官志主簿二人從八

品下尉六人從八品

巡檢

巡檢 金史百官志諸巡檢中都東北都巡檢使一員  
正七品西南都巡檢一員正七品諸州都巡檢各一  
員正七品副巡檢使各一員正八品散巡檢正九品  
宋史職官志巡檢司有沿邊溪洞都巡檢或蕃漢  
都巡檢或數州數縣管界或一州一縣巡檢掌訓治  
甲兵巡邏州邑禽捕盜賊事 案據此則巡檢之稱  
始於宋但與今所職不同耳

嗇夫 日知錄漢時嗇夫之卑猶得自舉其職故爰延  
為外 鄉嗇夫仁化大行民間但聞嗇夫不聞郡縣

而朱邑自舒桐鄉嗇夫官至大司農病且死屬其子  
曰我故為桐鄉吏其民愛我必葬我桐鄉後世子孫  
奉嘗我不如桐鄉民及死其子葬之桐鄉西郭外民  
共為起冢立祠歲時祠祭至今不絕 案漢之嗇夫  
殆如今之巡檢司歟

典史

典史 明史職官志典史典文移出納如無縣丞或無  
主簿則分領丞簿職

縣尉 後漢書百官志縣尉主尉主盜凡有賊發主名



不立則推索行尋 案卽今典史之流

少府 少公 唐書孟郊傳郊調溧陽縣尉縣有投金

瀨郊閒坐水旁徘徊賦詩曹務多廢楊萬里詩溧水

孟東野南昌梅子真平生一少府千載兩高人 清

波雜志古治百里之邑令附其俗尉督其姦故令曰

明府尉曰少府唐之名臣由尉超遷馴至公卿不可

以數計今銓法以處試吏者類以羸官目之 容齋

隨筆唐人稱縣尉爲少府又謂之少公

香尉 述異記漢雍仲子進南海香物拜爲涪陽尉時

謂之香尉

少仙 容齋四筆杜甫詩野望因過常少仙一篇蜀士

注縣尉謂之少仙梅福爲尉有神仙之稱少仙二字

尤爲清雅與今俗呼仙尉不侔矣

驛丞 明史職官志驛丞典郵傳迎送之事

督郵 通典督郵漢有之掌監屬縣有東西南北中部

謂之五部督郵故督郵功曹之極位 案卽今驛丞

之流 戴封巡馬遞鋪曰督郵吏辭開疆事吏手

津吏楊萬里至洪澤詩急呼津吏催開牖津吏叉手

不敢答案卽聞官也

亭長亭父漢家因秦十里一亭亭長者一亭之長

率也舊名負弩今改為亭長陳楚宋魏謂之亭父

案卽今驛丞也

郵官傳宰與叩鉢齋官職考一稱郵官亦稱傳宰

未入流

流外銓唐六典吏部郎中一人掌小選凡未入仕而

吏京司者復分爲九品應選之人以其未入九流謂

之流外銓此卽今未入流所由稱乎案有唐以來

出身入仕者著令有秀才明經進士明法書算其次

以流外入流又案唐書百官志凡流外九品取其書

計時務其據試銓法與流內略同謂之小選

通稱官

局僚宋史劉恕傳司馬光編次資治通鑑始召爲局

僚

街使唐書百官志左右街使掌分察六街徼巡乙夜

枝官韓非子楚悼王罷不急之枝官又見吳子謂

枝官如樹枝可披也宋祁詩誰言漢樸學正似楚

枝官魏書百官志六番燔燄六番燔燄

刺員 魏書廣陵王 於顯陽殿簡試通直散騎常侍

散騎侍郎通直郎刺員非才他轉之玉海宋建隆

三年五月令殿司及諸州升強壯退老弱初置刺員

以處退兵雜說黃道累舉不第作官數任年將耳

順鎖廳應舉或嘲之曰老婦舞柘枝刺員呈手藝書

散僚舊唐書裴度傳夫御宰相當委之信之親之禮

之如於事不効於國無勞則置之散僚宋史

散輩 漢申屠嘉傳尤官居其中註尤散輩也如今之

散官散輩見南史王敬則傳敬則初為散輩之散

選人舊唐書韋陟傳為吏部侍郎常病選人冒名接

腳選人會要開元二十年八月以考功貢院地置吏

部南院以懸選人文榜或謂之選院 案選人即候

補候選官員也唐時有東選南選之分官制

京官 升朝官 老學庵筆記唐自相輔以下皆謂之

京官國初以常參官預朝謂之升朝官官制

貴階白居易制品秩之制有九自五品以上謂之貴

貴階所謂貴者蔭及子孫及妻也

達官禮檀弓諸達官之長註受命於君者名達於上

謂之達官

稗官漢書藝文志小說者流蓋出於稗官街談巷議

道聽塗說者之所造也如瀟注王者欲知里巷風俗


故立稗官師古注稗官小官名漢名臣秦唐林清省


置吏公卿大夫至都官稗官各減十二是也

遙郡正任宋史職官志凡未落階官者為之遙郡

落階官者為正任

末班 潘岳小官曰末班





稱謂錄卷二十三

福州梁章鉅撰

男恭辰校刊

欽差

天使 晉書天文志流星天使也自上而降曰流自下而升曰飛友者曰奔奔亦流星也星大者使大星小星者使小

朱子名臣言行錄范延貴為殿直押兵過金陵張忠定公詠為守因問曰天使延路來還曾見好官員否

銀牌天使 松漠紀聞大遼盛時銀牌天使至女真

中使漢田衡傳中使還報又見宦者傳文選注天子

私使曰中使 杜甫詩正憶往時嚴僕射共迎中使

往鄉臺

星使 宋天文志天節八星主使臣持節宣威四方

高適詩星使出詞曹 李邵傳和帝分遣使者皆微

天服單行各至州縣觀採風謠使者二人當到益都投

邵候舍時夏夕露坐邵因仰觀問曰二君發京師時

早知朝廷遣二使矣二人驚問邵指星示云有二使

星向益州分野故知之耳

朝使 張籍送新羅使詩萬里為朝使離家今幾年

膚使 揚雄法言張騫蘇武之奉使也執節沒身不屈

王命雖古之膚使其猶劣諸

信使 書叙指南相如使異國曰信使

下使 書叙指南使自稱曰得充下使 蜀陳震

天子使 王建詩近聞天子使多取雁門歸

輜軒使 羣書考索輜軒天子之使臣也 風俗通秦

王周常以八月輜軒使採異代方言

赤車使 海錄碎事李白詩有何當赤車使再往詔相

如對 蘇軾詩洗眼忽驚笑見此玉節郎

玉節使 玉節郎 藝文類聚年持玉節之使謂出往

外國之使也 蘇軾詩洗眼忽驚笑見此玉節郎

使節 周必大詩使節光華肯再登

使臣 左傳四牡君所以勞使臣也 儲光義詩聖主

言今無外懷柔遣使臣

使君 後漢書寇恂傳非敢脅使君 案持節出使者

曰使君

使星 武元衡詩今宵燕分野應見使星過

星輶 錢起詩出使星輶滿路光 宋之問詩星輶下

紫薇

織造

司服 周禮春官司服掌王之吉凶衣服

復陶 左傳襄三十年使為君復陶杜注復陶主衣服

官 平準令 韋昭釋名平準令主染色色有常平之法準

的之也 案韋昭釋名今已佚引見太平御覽二百

三十二卷又引見通典二十七卷

再胃錄

卷二十三

三

染署十唐六典魏少府屬官有平準令宋惟掌染順帝  
即位以帝諱準故改稱染署

織室 漢百官公卿表少府秦官屬官有東織西織成

帝河平元年省東織更名西織為織室

三服官 漢書元帝紀初元五年罷齊三服官師古注

李斐曰齊國舊有三服官 漢書哀帝紀詔曰齊三

服官諸官織綺繡難成害女工之物皆止無有作輸

司織司染 通典後周有司織下大夫隋有司織司

染一署煬帝合為織染一署令唐因之有令丞

絲局丞 綾紬局丞 隋書百官志北齊中尙方署又

別領涇州絲局定州紬綾局丞 案尙方如今之內

務府其絲局紬綾局丞正今織造官之隸於內務府

矣

尙衣 唐百官志尙衣局奉御二人直長四人掌供冕

服

主衣 尙衣亦云主衣見南史

奉冕局 唐百官志注龍朔二年改尙衣局曰奉冕局

異樣局總管 異樣紋繡提舉司 綾錦織染提舉司



紗羅提舉司 元史百官志異樣局總管府秩正三品

奉中統二年立提點所至元六年改為總管府總管一

員異樣紋繡提舉司綾錦織染提舉司紗羅提舉司

秩皆從五品

尙衣局達魯花赤 御衣局達魯花赤 御衣史道安

局大使 元史百官志尙衣局至元二年置達魯花赤

一員從五品御衣局至元二年置達魯花赤一員從

五品御衣使道安局秩從六品至元二年置以史道

安掌其職因以名之大使副使各一員

關差

司關合周禮地官司關掌國貨之節案類函明宣德

四年令合南京至北京沿河客商輳集去處立鈔關

差御史及戶部照鈔法例監收船料正統十二年令

差主事二員監收船料鈔景泰元年鈔關俱差主事

一年更代則卽今各鈔關所由昉也

關令尹 史記老子傳關令尹喜曰予將隱矣

關都尉 漢酷吏傳甯成拜關都尉

均輸令 史記平準書桑宏羊爲大農丞管諸會計事

置均輸以通貨物注漢書百官表大司農屬官有均

輸令

高第賢察品郎潘安仁上客舍議高第賢察數

入核出品郎兩岸相檢猶懼或失之案高第三稱

皆今之關差也

關市令丞又文獻通考隋關市令丞唐因之有上中下

三等令合南京至北京

上關令中關令下關令唐書百官志上關令一

人從八品下中關令一人正九品下下關令一人從

九品下李商隱詩徑欲隨關令

權易署宋史張遜傳遜遷香藥庫使南平後交趾歲

入貢通關市並海商人遂浮舶販易外國物閩婆諸

國亦歲至遜請於京置權易署

權部宋史高宗紀建炎二年正月置行在權貨務

同話錄權貨非揚權之義權獨木橋也乃專利而不

許他往之義案今司關皆稱曰權其有由部員放

者即稱權部

市舶提司元史百官志延祐元年立泉州廣東慶

市元三市舶提舉司每司有提舉及同提舉副提舉等  
名案提舉市舶司始於宋掌番貨海舶征權貿易  
之事以來遠人通遠物元祐初詔福建路於泉州置  
司大觀元年復置浙廣福建三路市舶提舉官而不  
大通關提舉司續文獻通考明戶部設寶鈔提舉司  
工部設大通關提舉司提舉南戶部設龍江提舉司  
提舉各布政司設河渠提舉司提舉同提舉副提舉  
監課市舶俱設提舉司提舉

大將軍 史記大將軍衛青者平陽人 范史百官志

順帝以皇后父兄弟相繼爲大將軍如三公焉大案  
晉書姚萇載記以太原九年自稱大將軍首通典唐

左右監門府置大將軍中郎將等官各省提調將軍

駐防將軍 都統

將軍 左昭二十八年傳閻沒女寬對魏子曰豈將軍

食之而有不足是以再歎杜注魏子中軍帥故謂之

將軍孔疏晉使卿爲將軍謂之將中軍將上軍故呼

謂之爲將軍及六國以來遂以將軍爲官名蓋其元起

於此益案水經注偃師九山有百蟲將軍顯靈碑云

是伯益此後人僞託唐虞時無將軍官也

都統宋史職官志舊制出師征討諸帥不相統一則

拔一人爲都統制以總之未爲官稱也建炎初置御

營司擢王淵爲都統制名官始此案據此則都統

之官蓋始於宋八平書閣文寶據錢子日登錄軍

振威將軍案我朝八旗武職以領侍衛內大臣爲

第一品內大臣步軍統領各旗都統各省駐防將軍

都統爲從一品綠營武職無正一品以各省提督爲

大從一品其武職封階舊例正從一品俱封榮祿大夫

正二品至從五品俱封將軍後移榮祿大夫爲文職

從一品之封改封武職正一品爲建威大夫從一品

爲振威大夫乾隆五十一年復改定正一品封建威

將軍從一品封振威將軍正二品封武顯將軍從二

品封武功將軍三四品俱封都尉五六品俱封騎尉

八品九品俱封校尉又定公侯伯並封建威將軍

固山額真 浙江通志順治五年遣固山額真金礪來

杭駐防掌平南將軍印康熙初年改固山額真爲將

軍都統 皇朝通攷順治十七年定八旗官漢字官

和言金 卷二十三 六  
名議定固山額真漢字稱爲都統

將屯將軍 司馬貞史記索隱邊境有屯兵後因置將

屯將軍 案古之將軍以地名者如北地將軍隴西

將軍者率因事爲名事已而罷與今駐防將軍迥異

惟將屯將軍以屯駐邊疆特設則與今駐防將軍實

相似也

右校尉 後漢書和帝紀永元十一年復置右校尉官

案此以禁近親兵分布於巖疆重地正今駐防將

軍之職也

折衝都尉 新唐書兵志貞觀中置折衝府折衝都尉

防主 周書鄭偉傳進位大將軍除江陵防主

郎將 文獻通考諸府之兵有郎將副將防主團主以

相統制 案此郎將卽將軍副將卽副都統而防主

團主專爲所屬也

大府 元史兵志世祖之時海宇混一命宗王將兵鎮

邊徼襟喉之地而河洛山東據天下腹心則以蒙古

探馬列大府以屯之 案元制與今駐防正相似又

云自至元十九年世祖命知地理省院官共議於瀕

海河沿江六十三處安置軍馬此可見元制之大凡

矣

副都統

宋史職官志乾道三年諭輔臣欲今後江上

諸軍各置副都統一員兼領軍事

副防主 周書鄭偉傳副防主杞賓王坐除名 案此

即今之各省駐防副都統也

果毅都尉 新唐書左右果毅都尉各一人 案左右

果毅都尉即今左右副都統及城守尉所由防歟

協領

協領 浙江通志雍正元年九月初二日奉 旨蒙古

八旗添放協領一員仍兼管本旗佐領

外省固山大 叩鉢齋官職考外省固山大即駐防協

領

叅領

叅領 浙江通志康熙初年改夾喇為叅領

札蘭章京 皇朝通考順治十七年議定札蘭章京漢

字稱為叅領 案札蘭即浙志之夾喇特一聲之轉

耳小知錄作甲喇通考又載天聰八年改前明叅將  
稱爲一二等札蘭章京遊擊爲三等札蘭章京則滿  
官之叅領實與叅將遊擊相似

佐領

佐領 浙江通志康熙初年改牛录爲佐領

牛录章京 皇朝通攷順治十七年牛录章京漢字稱

爲佐領 案通考又載天聰八年改前明備禦爲牛

录章京則今駐防佐領卽與明之備禦相似又案大

清會典杭州駐防設佐領四員防禦一員浙江通志

乾隆閒現存佐領一十六員防禦一十四員於佐領  
之下又有防禦之一職滿稱當亦是牛录如明之有

備禦矣

城守尉

城守尉 皇朝通攷城守尉奉天八人龍江直隸保定

滄州山東德州山西太原河南甘肅莊浪各一人

河吞大員叩鉢齋官職考河吞大卽城守尉

提督

提督 明史職官志有總督漕運兼提督軍務巡撫鳳

陽等處兼管河道一員又總理糧儲提督軍務兼巡撫應天等府一員又巡撫浙江等處地方兼提督軍務一員巡撫保定等府提督紫荆等關兼管河道一員案明以都御史巡撫兼軍務者加提督銜有總兵地方知贊理或參贊銜所轄多事重者加總督銜其時止爲巡撫兼銜尙無提督專職惟兩廣於景泰二年設總督正德十四年改總督爲總制尋改提督似爲專職然亦不多見也其專理軍務者則有五軍都督府仍稱都督不稱提督

都督 宋書百官志魏黃初二年始置都督軍州事歷代職官表 國初提督兼都督銜者其名亦昉乎此也 案都督之名始於三國北齊書周書皆有大都督之名正今之提督也又案 國初綠營提督總兵帶有左都督右都督銜者正一品帶都督同知銜者從一品帶都督僉事署都督事銜者正三品乾隆十八年省去都督等銜始定提督爲從一品總兵爲正二品副將爲從三品參將爲正三品游擊初制爲正



三品後改從三品都司初亦正三品後改從三品今改正四品守備初列正四品後改正五品河營守備初照千總品級後改爲從五品守禦所千總初列從五品今改從六品其七品以下舊制未設官階其經制外委千總經制外委把總及額外外委亦向無品級乾隆五十一年始定以經制外委千總爲正八品外委把總爲正九品額外外委爲從九品合計綠營武職一品無正七八品無從與文職稍殊

水軍大都督

北齊書暴顯傳以顯爲水軍大都督

案此卽今之水師提督所由昉也

都總管

鈐轄

柯維騏宋史新編建炎中分置帥府

以諸路帥臣帶都總管官要郡守臣帶兵馬鈐轄並以武臣爲副稱副總管鈐轄 歷代職官表都總管正如今巡撫兼提督之比而副總管亦如今提督之比也

總戎

杜甫詩其說總戎雲鳥陣

案唐之總戎卽今

之提督今提督結銜猶稱提督軍務總兵官也今人以總戎稱總兵而別稱提督爲提軍又稱爲軍門者

皆不典也

總兵

李日華官制備攷在京有五軍督府而在外有

事出征則有總兵其名掛印將軍稱鎮守雲南征南

將軍兩廣征蠻將軍湖廣平蠻將軍遼東征虜前將

軍宣府征朔將軍大同征西前將軍延綏鎮西將軍

甯夏征西將軍甘肅平羌將軍蘇州淮安鎮守漕運

總兵以畿內故不得掛印稱將軍有大征討遣總兵

則掛平賊將軍平吳將軍平虜將軍征夷將軍征虜

將軍平倭將軍或大將軍或前將軍副將軍事已納

印案明之總兵掛將軍印正與今駐防將軍相似

我朝以將軍之稱專屬八旗駐防而總兵不得掛

將軍印矣

按班章京一皇朝通攷天聰八年定一等總兵官為一

等按班章京二等總兵官為二等按班章京三等總

兵官為三等按班章京案小知錄作昂邦章京蓋

即按邦之轉音

鎮臺皇朝通攷總兵官掌一鎮之軍政管轄營協將

重鎮大臣案今人稱總兵為鎮臺由此

前部督三國志甘甯傳拜折衝將軍為前部督受敕

出斫敵營歷代職官表前部督下有都督猶今總

兵下有副將

後典軍三國志王平傳遷後典軍安漢將軍副車騎

將軍副吳壹鎮漢中此如今總兵受提督節制之比

馬忠之為開府門下督當如今督標中軍副將之比

師帥周書夏官制軍二千五百人為師帥帥皆中大

夫五百人為旅旅帥皆下大夫歷代職官表周之

師帥旅帥實統於將軍其與今之總兵副將統於提

督者制亦相近

副將

副將宋史職官志慶元中詔總管下至副將等年七

十以上許自陳與官觀差案宋有副總管副鈐轄

諸識故約而言之曰副將若竟以副將為官名則自

我朝始

梅勒章京皇朝通攷天聰八年定一等副將為一等

梅勒章京三等副將為二等梅勒章京三等副將為

三等梅勒章京案滿洲官名甚簡副都統亦稱梅

勒章京互詳彼注

協臺 皇朝通攷副將為提鎮分守險要者曰協標

案今人稱副將為協臺由此

中軍 皇朝通攷副將為總督職司關防統理軍務者

曰督標中軍為總河督理河員並稽核工汛者曰河

標中軍為總漕催護漕船督率官弁者曰漕標中軍

偏將軍 三國志潘璋傳拜偏將軍領白校 歷代職

官表偏將軍者則正如今副將之比也

門下督 三國志馬忠傳丞相亮開府以忠為門下督

歷代職官表馬忠之為開府門下督當如今督標中

軍副將之比

帳下督 晉書王恭傳遺牢之率帳下督顏延先據竹

里案帳下督蓋如今之督標中軍副將也

旅帥 見師帥注

勳將 戎右 戎副 偏帥 軍倅 方以智通雅今

之勳將古之戎右也或稱戎副或曰偏帥或曰軍倅

參將

海清錄

卷二十三

七

參將參通雅今之參將本參戎之意也

參戎梁書侯景傳以柳敬禮為使持節大都督參戎

事

參軍三國志馬謖傳諸葛亮以謖為參軍

一等札蘭章京皇朝通攷天聰八

二年定一等參將為一等札蘭章京二等參將為二等

札蘭章京案札蘭小知錄作甲喇浙江通志作夾

喇蓋皆一聲之轉也又駐防參領亦稱札蘭章京互

詳彼注

亞將漢書陳平傳平為亞將屬韓王信軍廣武

騎將漢書灌嬰傳漢王擇軍中可為騎將者

行司馬漢書吳王濞傳諸賓客皆得為校尉行閒侯

司馬

注在行閒或為侯或為司馬也

車司馬

漢書靳翁傳騎千人將

注如淳曰騎將率號為千人

所將

率得車司馬歷代職官表亞將騎將行司馬車司

馬當如今參將游擊之比

鎮司馬北齊書杜弼傳左遷下灌鎮司馬 歷代職

官表杜弼以督府司馬則鎮司馬亦如今參將游擊

也 夫林以晉初同漢順興而漢本以今秦漢游擊

遊擊

遊擊 漢書武帝紀太初三年築五原塞外列城游擊

將軍韓說將兵屯之 又天漢四年游擊將軍韓說

軍步兵二萬人出五原 又蘇建傳建以衛尉為游擊

將軍 案游擊之號始於韓說之游擊將軍

遊佐擊 方以智通雅古有游擊今稱遊佐擊

三等札蘭章京 皇朝通攷天聰八年定游擊為三等

札蘭章京 皇朝通攷平定平定平定平定平定平定

中軍官 皇朝通攷游擊為諸鎮之中軍官

都司

都司 明史兵志洪武二十六年定天下都司衛共計

都司十有七留守司一內外衛二百二十九守禦千

戶所六十五

都衛 明史兵志洪武二年陞杭州江西燕山青州四

衛為都衛後置河南西安太原武昌四都衛 案明

之都司始謂之都衛

都指揮使司 明史兵志洪武八年改在京留守都衛

爲留守衛指揮使司在外都衛爲都指揮使司案  
明史云十六年詔各都司上衛所城池水陸地里圖  
蓋明之都司卽都指揮使司之省稱耳今則竟以都  
司爲官名矣明史又云都指揮使與布按並稱三司  
爲封疆大吏則明之都司當如今之提鎮亦與今之  
都司不同

都閫 方以智通雅元人旣平江南於浙東一道置三  
萬戶府高郵蘇州置兩萬戶府揚州建康置七萬戶  
府杭州行省置四萬戶府其體貌責任若今都閫之  
體而權力倍之

萬戶府 小知錄元官名今之都司也又見上注  
隊帥 漢書申屠嘉傳以材官蹶張遷爲隊帥 歷代  
職官表隊帥分統材官者當如今都司守備之比  
中軍官 皇朝通攷都司爲副將之中軍者  
守備

守備 準備 通雅古有準備今稱守備皆偏裨也  
守侯 留青集守備有營衛之分如京城守備與外省  
分守守備城守守備及提督等各標中軍守備皆營

守備也如京衛掌印守備各衛領衛守備與外衛掌印守備及各衛各所各幫領運守備皆衛守備也守

空云固內備云防外稱以守侯循名責實任其綦重哉

千總 皇朝通考有守禦所千總衛千總 案即明之

千戶所

千戶 明史兵志襲元舊制樞密平章元帥總管萬戶諸官號而覆覈其所部兵五千人為指揮千人為千戶百人為百戶五十人為總旗十人為小旗

千夫長 書千夫長百夫長 杜甫詩赤夫千羽膳

長侯 叩鉢齋官職考守備下有千總千兵數也命之

曰總責以約束訓諫不容旁貸苟寬之義其職是者

則有京城六衛千總一十六門千總外省各衛所千

總管河千總領運千總凡皆土協守備也亦稱長侯

把總

把總 皇朝通攷把總直隸二百十六人 案即明之

百戶所

百戶 見千總稱千戶注





所由昉

儒學提舉司 元史百官志儒學提舉司秩從五品各處行省所署之地皆置一司統諸路府州縣學校祭祀校養錢糧之事及考校進呈著述文字 案此卽今提督學政之職也

提督學道 明史職官志按察使副使僉事分司諸道提督學道清軍道驛傳道注云十三布政司俱各一員惟湖廣提學二員 案國初以直省沿明制設提學道以按察司副使及僉事爲之故今稱院考亦爲道考

提督學政 學院 明史選舉志生員入學初由巡按御史布按兩司及府州縣官正統元年始特置提學官專使提督學政南北直隸俱御史各省參用副使僉事 案據此則提督學政之稱明已有之 國初順天江南二省稱學院以御史充至順治十年始定翰林五品以下官提督直省江南江北學政康熙三十九年始定各省學道員缺翰林官與六部郎中並差四十二年定由詹翰科道任者爲提督學政由部

郎任者仍稱提學道雍正三年定由部郎任者加翰林銜自是各省無提學道之名

宗師 漢平帝紀郡國置宗師以糾之致教訓焉 王

定保撫言李潛和周穉詩文學宗師心秤平

大文宗 大宗師 明李日華官制備考提學稱大文

宗大宗師

郢匠 皇甫冉上禮部詩郢匠掄材日轅輪必盡呈蓋以學院為郢匠也

總裁 主考

總裁 案此二字始見宋史張昱詩丞相銜兼領總裁

此總裁乃今國史實錄館之監修官也明世直省主

考通謂之總裁嘉靖六年張璁請以翰林院科部官

為主考其疏云布按二司不許仍充總裁則總裁即

知貢舉今惟會試主司稱總裁

掌貢舉 珊瑚詩話崔湜弱冠登科不十年掌貢舉

典貢舉人唐書王起傳帝患進士不才特命典貢舉

司貢籍 雲溪友議開成元年高鐸司貢籍

掌貢部 舊唐書高鐸傳為禮部侍郎掌貢部二年每

掌歲登第者四十人

典舉 舊唐書嚴挺之傳開元中爲考功員外郎典舉

與二年人稱平允登科者頗減三分之一

主考 明史選舉志主考鄉會試俱二人

副考官 明史選舉志嘉靖四十年應天主考中允無

錫吳情取同邑十三人被劾與副考胡杰俱謫外

案副考之稱始見於此 本朝各直省試官順治二

年定由巡按御史題請五年始改令內院吏禮二部

公同考選八年始分省派員擬定正陪題請其山東

副考官山西正副考官河南陝西正考官例擬光祿

寺少卿一員吏禮二部司官各二員此例至康熙二

年始改

主司 唐書選舉志舉人既及第綴行通名詣主司第

謝 韓愈文有劉述古者文麗而思深而又工於應

主司之試 撫言主司頭腦太冬烘錯認顏標作魯

公

主文 王闢之澠水燕談錄孫莘老爲太平令有呂同

者學於孫一夕夢試南宮中高選主文孫也

主試官 黃潛試院同諸公為主試官詩右轄升庸日

秋闈獻藝初

主判官 徐度卻埽編天聖七年又置高蹈邱園沈淪

草澤茂才異等三科應草澤及貢舉人非工商雜類

者並許本處轉運司逐州長吏奏舉即納所業策論

十卷卷五道看詳詞理稍優即上轉運司審察鄉里

名譽於部內選有文學官再看詳實有文行可稱者

即以文卷送禮部委主判官看詳

恩地 唐人以主司為恩地姚鵠有獻恩地僕射詩

考官 舊唐書憲宗紀詔考官韋觀等三人祇考及第

科目人

試官 撫言蔣凝應試為賦止及四韻試官歎賞之

有司 韓愈進學解諸生業患不能精無患有司之不

明行患不能成無患有司之不公

座主 國史補有司謂之座主 張籍寄蘇州白使君

詩登第早年同座主題詩今日是州民 南部新書

會李逢吉知貢舉榜未放而入相及第人就中書見座

宋主 宋人籍中興良本言

宋衣使者 宋人詩中屢見亦言試官也

會望 正會望 唐書南蠻傳南詔官曰會望曰正會

望猶唐試官也

同考官

同考官 元史選舉志考試官同考試官各一員並於

官見任并在閑有德望文學常選官內選差 明史選

舉志同考鄉試四人會試八人 案明志同考乃是

今房官而元志之同考試官止一員則與今副考官

相似

房考官 明史選舉志初兩京房考亦皆取教職至是

命各加科部官一員 陸游老學庵筆記東坡先生省試刑賞忠厚

小試官 陸游老學庵筆記東坡先生省試刑賞忠厚

之至論云皋陶云殺之三堯曰宥之三梅聖俞為小

試官得之以示歐陽公 案小試官即今之房官也

內簾官 元史選舉志諸試院官在簾內者不許與簾

外官交語 案據此則內簾外簾之別元已有之矣

又互詳外簾官注 案據此則內簾外簾之別元已有之矣

外簾官 元史選舉志諸試院官在簾內者不許與簾

外簾官 明史選舉志試官入院輒封鑰內外門戶在

外提調監試等謂之外簾官在內主考同考謂之內

簾官

知貢舉 南部新書李逢吉知貢舉榜未放而入相又

侯鯖錄歐陽公知貢舉坐後嘗覺一朱衣人負案此

云知貢舉即今之總裁矣與今之知貢舉有別今則

小會試知貢舉猶鄉試之監臨耳

監臨 明史選舉志於是教官主試遂為定例其後有

司狗私聘取國非其人監臨官又往往侵奪其職掌

提調 明史宣德二年禮部尚書胡濙奉旨令各處巡

按御史同布政司按察司並提調官教官將生員公

同考試 案此提調官即今學政歲科試以府州廳

為之者也日知錄云正統元年設提調學校官十年

廣東左參議楊信民奏曰設提調學校官以來監臨

上司嫌於侵職巡歷所至置之不問此提調亦指學

政言之也

監試 通典武德舊制以考功郎中監試貢舉 案此

監試是舉司韓文所稱司貢士是也通志載貞元九

年敕曰每年冬薦官吏部準式檢勘成者宜令尙書左右丞本司侍郎引於都堂訪以治術兼商量時務狀試日令御史一人監試此監試與今同宋史選舉志舊制省試用六曹尙書翰林學士知貢舉侍郎給事中同知貢舉卿監郎官參詳館職學官點檢御史監試元史選舉志在內監察御史在外簾訪司官一員監試明史選舉志監試二人在內御史在外按察司官會試御史則宋元明以來並有監試官

彌封官 膽錄官 元史選舉志彌封官一員膽錄官

一員選廉幹文資正官充之凡膽錄試卷並行移文字皆用宋書仍須設法關防毋致容私作弊諸膽錄人書寫不慎及錯誤有礙考校者重事責罰 案彌封官宋時謂之封彌官周起傳起初糊名之法陳靖傳糊名考校起於靖蓋靖先請用於殿試起復請用之禮部故起首爲封彌官也祥符八年命趙安仁典舉始置膽錄院令封彌官封卷付吏錄本命京官校對用奉使印訖復送封印院始送知舉考校封印院者卽今之彌封所也元時始改封彌曰彌封



對讀官 元史選舉志諸對讀試卷官不躬親而輒令

人吏對讀其對讀訖而差誤有礙考校者有罰

受卷官 元史選舉志凡就試之日日未出入場黃昏

納卷受卷官送彌封所撰字號彌封訖送謄錄所其

納卷者赴受卷所揖而退不得交語受卷官書舉人

姓名於歷舉人揖而退取解據出院

搜檢官 元史選舉志搜檢懷挾官一員每舉人一名

差軍一名看守無軍人處差巡軍

監門官 元史選舉志試日擊鐘爲節一次院官以下

皆盥漱二次監門官啟鑰舉人入院搜檢訖就將解

據呈納

### 閱卷大臣

第策官 唐書劉蕡傳是時第策官見蕡對嗟服 書

敘指南章表徵試策官曰第策官

詳定官 揮塵前錄劉器之晚居南京馬匡濟涓作少

尹匡濟廷試器之作詳定官所取也

讀卷官 明史選舉志廷試用翰林及朝臣文學之優

者爲讀卷官共閱對策擬定名次候臨軒或如所擬

或有所更定 案明之讀卷官即今之閱卷大臣也

四元

四元 說儲唐崔元翰為京兆解頭禮部狀頭宏詞敕頭制科三等敕頭則是可稱四元 金史楊伯仁傳孟宗獻發解第一伯仁讀其程文稱之是歲宗獻府試省試廷試皆第一當時稱為孟四元蓋金時尚多一府試耳又見歸潛志及十州集

三元

三元 國朝百餘年來直至錢湘船肇始有二元之稱

趙甌北賀錢三元詩云累朝如君十一個謂唐張又新崔元翰宋王曾宋庠馮京王巖叟孫何揚寘金孟宗獻元王宗哲明商輅也此十一人中雖均稱為三元又各微異耳攷張又新當時實稱為張三頭謂進士狀頭宏詞敕頭京兆解頭見摭言 王巖叟以明經科鄉舉省試廷對皆第一則是明經非進士科見宋史本傳此後繼錢三元者又有陳蓮史繼昌而平國朝三元之稱益著

狀元

狀元歸田錄呂穆公胡大監日遇之甚薄客有舉呂  
詩曰挑盡寒燈不成夢胡曰乃一渴睡漢耳明年呂  
中甲科寄聲曰渴睡漢狀元登第矣胡曰待我明年  
第二人及第輪君一籌爾次榜果中首選宋史呂大  
忠傳馬涓以進士舉首入幕府自稱狀元大忠謂曰  
狀元云者及第未除官之稱也既爲判官則不可十  
駕齋養新錄進士第一人稱狀元起於唐至今因之  
宋以後却不盡然周益公省齋文集中有回姚狀元  
穎啟或爲第一人又有回第二人葉狀元適啟回第

三人李狀元寅仲啟魏了翁集中有回蔣狀元重珍  
蔡狀元仲龍趙狀元發三啟於蔡則云擢亞掄魁於  
趙則云名列魁三是宋時狀元不必定第一名第二  
三人亦有此稱也案明史選舉志云一甲止三人  
曰狀元榜眼探花賜進士及第又云狀元榜眼探花  
皆制所定也則以一甲第一人爲狀元前明已爲定制  
矣  
小狀元蘇澠水燕談錄孫何孫僅兄弟馳名王黃州覽  
僅文編書其後曰明年再就堯階試應被人呼小狀

元僅果第一黃州以詩寄之曰病中何事忽開顏記  
小得時稱小狀元

殿元 楊維禎詩老娥本是南洲女私喜南人擢殿元

省元 登科記宋李迪美髭髯御試時夢薙削俱盡解  
者曰省元是劉滋今替滋矣果狀元

度宗龍飛榜陳文龍爲廷魁胡躍龍爲省元

狀頭 唐摭言鄭合敬及第後宿平康里詩曰好是五

更殘酒醒時時聞喚狀頭聲 玉泉子杜黃裳知貢

舉舉尹樞時名籍籍其年狀頭及第

敕頭 松漠紀聞續金人科舉至秋盡集諸路舉人於

燕名曰會試凡六人取一榜首曰敕頭亦曰狀元分

三甲曰上甲中甲下甲又案金史選舉志女直進士

大定十三年皆除教授二十二年上甲第二第三人

初除上簿中甲除中簿下甲除下簿 聞見錄張齊

告賢赴廷試帝欲其居上甲

龍頭 澠水燕談錄黃州寄孫何詩曰惟愛君家棣華

鬚榜登科記上並龍頭又歐陽原功詩絕句云銀袍飛

蓋人爭看兩兩龍頭入學來又梁顥及第謝恩詩也

知少年登科好爭奈龍頭屬老成

龍首詩話宋朝狀元入相者呂蒙正王曾李迪宋庠

石揚休詩云皇朝四十三龍首身列黃扉止四人華

占鼈頭列子龍伯國有大人一釣而連六鼈故大魁

謂之占鼈頭

魁大春渚紀聞汪洋未唱第十日前余於廣坐中見中

狀貴石企及甫云外閒皆傳汪洋作狀元何也至考卷

進御汪洋在第二魁乃黃中以有官人奏取請聖語

云科第以待布衣之士卽以洋爲魁

大魁合璧事類宋祁兄弟同行逢一異僧相曰小宋

當大魁天下大宋亦不失科甲比唱第小宋果大魁

章獻太后謂弟不可先兄改大宋爲第一小宋爲第

十老學庵筆記天聖初宋元憲公在場屋夢大魁

天下

廷魁揮塵錄本朝狀元登庸者呂文穆王文正李文

定宋元憲止四人後李士美何文縝亦以廷魁而歷

六位鼎席

第一人及第東齋遺事蔡齊及第第一詔自今第一

人及第令給七當直許出入則兩對引唱傳呼

右榜第一人 左榜第一人 歐陽原功詩序泰定丁

卯八月十二日崇天門傳臚賜進士右榜第一人阿

察赤左榜第一人李黼皆予授業生也是日京尹備

鼓樂旗幟麾蓋導二狀元入學謝師拜予明倫堂榜

眼劉思誠探花郎徐容嘗從予遊亦拜其側園橋門

而觀者萬計 案元朝竟有兩狀元攷元史自延祐

至元統癸酉科凡七科後三年罷又七年而復興時

大至正二年其制左右榜各二人皆賜進士及第以蒙

古色目人爲一榜漢人南人爲一榜終元世每科有

兩狀元也

殿撰 修撰 宋周輝清波雜志會祖殿撰與元章交

契無閒又云會祖侍紹興經筵至政和五年以右文

殿修撰知桂州 案宋以前修撰不必卽爲一甲一

名唐書百官志史館修撰四人掌修國史宋史職官

志政和六年置集英殿修撰右文殿修撰祕閣修撰

皆非今之修撰也 庸閒齋筆記云歷朝官制不同

卽一朝之中亦復前後互異本 朝凡一甲一名授

職翰林院修撰故有殿撰之稱而六世從祖丙齋公  
 司寇則曾官翰林院修撰兼左春坊左諭德公以三  
 甲授檢討遷司寇不必狀元而亦有修撰之稱然明  
 史選舉志云傳制唱狀元授修撰榜眼探花授編修  
 一三甲考選庶吉士者皆為翰林官其他或授給事  
 御史主事中書行人評事太常國子博士或授府推  
 官知州知縣等官又云洪武十八年廷試擢一甲進  
 士丁顯等為翰林院修撰二甲馬京等為編修吳文  
 為檢討進士之入翰林自此始也使進士觀政於諸

司其在翰林承敕監等衙門者曰庶吉士進士之為  
 庶吉士自此始也其在六部都察院通政司大理寺  
 等衙門者仍稱進士觀政進士之名亦自此始也據  
 此則明初甲第授職之制大畧已與今同

榜眼

榜眼 宋史陳思讓傳思讓孫若拙素無文中第二名  
 當時以第二名為榜眼遂謂若拙為瞎眼 案魏道  
 輔詩話宋太宗時朱巖以第二人及第附舟赴任王  
 禹偁送詩曰賃舟東下歷陽湖榜眼科名釋褐初則

北宋時第三人亦稱榜眼古者原以二三兩名爲一榜眉目眼必有二故第一第二皆爲榜眼後以第三爲探花遂專以第二爲榜眼據此則榜眼名目創自北宋也又按以一甲第二人爲榜眼第三人爲探花至明始爲定制詳見明史選舉志

探花

探花 鼎魁 戴埴鼠璞本朝故事吳旦榜馮拯爲探花太宗賜詩云三千客裏成事七十四人中少年蔡寬夫詩話亦但言期集所擇少年爲探花今獨以稱鼎魁不知何義戴埴宋末時人而其說如是則宋南渡後固以第三人爲探花矣

探花郎 魏泰東軒筆記進士及第後例期集一月共釀罰錢奏宴局什物皆請同年分掌又選年最少者二人爲探花使賦詩世謂之探花郎 揮麈錄李昌武宗諤之子昭邁十八歲鎖廳及第昭邁子杲卿杲卿子士廉皆不踰是歲登甲科凡三世俱爲探花郎 案秦中歲時記進士杏園初會謂之探花宴

再胃錄 二甲一名三甲一名



傳臚 國朝會典新進士宣 制獨以傳臚稱可謂名

實相稱以二甲第一稱傳臚是三甲第一亦可稱矣

攷儀注鳴贊官立丹陛左右唱第一甲第一名某以

次接傳至丹陛下序班引至左班正六品品級山跪

又唱第一甲第二名某引至右班正七品品級山跪

唱第一甲第三名某引至左班從七品品級山跪均

三傳又唱第二甲第二名某等若干名第三甲第一

名某等若干名亦均三傳不引出班其必三傳者出

身之初卽示以難進之義也此五人者皆實入臚唱

是二甲三甲首名皆當並有傳臚之稱所謂名以義

起矣 案嘉慶癸丑一甲一名吳縣潘文恭公二名

大興陳遠雯名雲源籍吳江二甲一名張春山三甲一名馬

秋水時人爲之語曰必正妙常雙及第春山秋水兩

末傳臚蓋世謂二甲一爲金殿傳臚三甲一爲玉殿傳

臚也又案宋時殿試有四甲五甲

繞殿雷 山堂肆考進士唱第日宰相拆視姓名則曰

某人由是傳於階下皆齊聲呼之謂之臚傳亦謂之

繞殿雷

殿軍

擔榜狀元 朝野類要謂五甲末名爲擔榜狀元朱文

公卽五甲進士故有若使當年無五甲先生也是落

孫山之句今無五甲是三甲末名亦稱擔榜狀元矣

末甲 宋史宗澤傳澤廷對極陳時弊考官惡直寘末

甲 宋史宗澤傳澤廷對極陳時弊考官惡直寘末

大甲第總稱

賜進士及第 賜進士出身 賜同進士出身 明史

選舉志以舉人試之京師曰會試中式者天子親策

於廷曰廷試亦曰殿試分一二三甲以爲名第之次

一甲止三人曰狀元榜眼探花賜進士及第二甲若

千人賜進士出身三甲若干人賜同進士出身狀元

榜眼探花之名制所定也而士大夫又通以鄉試第

甲一爲解元會試第一爲會元二三三甲第一爲傳臚云

案據此今之所稱悉皆同前明之舊也 本朝會

典及通典所載臚唱儀注有狀元率諸進士隨出觀

榜及順天府備繖蓋儀從送狀元歸第及傳臚後二

日狀元率諸進士上表謝 恩又擇吉狀元率諸進

士詣太學釋奠釋褐云又按宋史選舉志乾道二年御試始推登極恩第一甲賜進士及第並文林郎第二甲賜進士及第並從事郎第一甲第四甲進士出身第五甲同進士出身

甲科 乙科 丙科 漢書儒林傳平帝時歲課博士弟子甲科四十人爲郎乙科二十人爲太子舍人丙科四十人補文學掌故又蕭望之傳以射策甲科爲郎又匡衡傳數射策不中至九乃中甲科 案據此則漢之甲科猶今之第一甲而漢之乙科丙科猶今

之二甲三甲矣自唐以後進士登甲科者益覺貴重舊唐書元宗紀云開元九年四月甲戌上親策試應制舉人於含元殿勅曰近無甲科朕得存其上第又楊綰傳天寶十三載元宗御勤政樓試舉人登甲科天者三人綰爲之首超授右拾遺其登乙科者三十餘人則唐之甲科正與今之三鼎甲相類 又見狀元稱敕頭注天子門生 揮麈前錄馬巨勝語客曰凡省闈解送則有主文故所取士得稱門生殿試蓋天子自爲座主

豈可稱門生於他人臨軒親試故謂之天子門生案  
天宋史舊制秋貢春試皆置別頭場以待舉人之避親  
士者自總麻以上親及大功以上婚姻之家皆牒送惟  
臨軒親試謂之天子門生雖父兄爲考官亦不避

天生仙人彭時筆記翰林官職清務簡優游自如世謂  
之玉堂仙人因謂第一甲三人爲天生仙舉人登甲林

鼎甲唐國史補四姓惟鄭氏不離滎陽有岡頭盧澤  
底李門上崔家爲鼎甲次薛廷珪授韋韜光祿卿制  
鼎甲華宗甲矣自唐以對漢士登甲必與爲鼎甲

會元

會元 李詡戒庵漫筆憶唐荆川中會元其稿亦是無  
錫門人蔡瀛與一姻家同刻 案明史選舉志云士

大夫通以會試第一爲會元

榜元 雲溪友議文宗元年秋詔禮部高侍郎錯復司  
貢籍主司先進五人一詩最佳者則李肱也乃以榜  
元及第

南宮第一人 范梈贈陳提舉詩便令回首縮青銀已  
負南宮第一人

魁甲 宋史章衡傳嘉祐二年進士第一神宗曰卿爲  
仁宗朝魁甲

會魁

會魁 戒菴漫筆薛方山中會魁其三試卷余爲從與  
其常熟門人錢夢玉以東湖書院活板印行

省魁 夢梁錄宋時中省魁者殿試有陞甲恩例前十  
名亦如之 案今之會試卽宋之省試省魁或卽會  
魁也

進士

進士 禮大樂正論造士之秀者以告於王而升諸司  
馬曰進士此進士之稱所由昉 唐書選舉志唐制  
取士之科其目有秀才有明經有俊士有進士四五  
代史李琪傳少以文章知名旣貴乃刻牙版爲金字  
貢曰前卿貢進士常置之左右  
新進士 郝經詩佩玉長裾新進士回視詩書等閒事  
前進士 國史補得第謂之前進士五案舉人進士世  
謂爲科甲中人不知唐代有舉人進士之名特爲  
不第者之通稱天寶十二年敕天下舉人不得言鄉

貢皆須補國子及郡學生廣德二年制京兆府進士  
並令補國子生其已及第者乃稱前進士程太昌雍  
錄引唐人詩云曾題名處添前字此爲已及第者稱  
前進士之確據

貢士禮記諸侯歲獻貢士於天子疏諸侯三歲一貢  
士於天子也此貢士之稱所由昉後漢書左雄傳  
郡國孝廉古之貢士出則宰民宣協風教若其面牆  
則無所施用會典會試中式曰貢士殿試有賜  
出身曰進士則未經士殿試者止得稱貢士而不能

稱進士也

兩榜明史選舉志宗學寢多頗有致身兩榜起家翰  
林者案俗稱進士曰兩榜已見於正史

秀才先輩國史補進士通稱謂之秀才互相推重  
謂之先輩通典唐世舉人呼已第者爲先輩其自  
目則曰前進士魏文帝黃初五年立大學初詣學者  
爲門人滿一歲試通一經者補弟子滿二歲試通二  
經者補文學掌故不通經者聽須後試故後試稱先  
試而得第者爲先輩由此也案吳志闕澤傳言州里

先輩丹陽唐周修身積學薛綜傳言零陵賴恭先輩  
仁謹不曉時事晉書羅憲傳言侍宴華林園詔問蜀  
大臣子弟復問先輩宜時敘用者憲薦蜀人常忌杜  
軫等是先輩之稱起於三國之時而唐李肇國史補  
謂互相推敬謂之先輩此又後人之濫矣韋莊集有  
香題云癸丑年下第獻新先輩北夢瑣言王凝知貢舉  
謂人曰某叨忝文柄今年榜帖全爲司空先輩一人  
兩而已澗水燕談錄蘇統祥建隆四年進士第一人登  
第初還鄉里太守致宴作樂伶人致語曰今日登科  
又是狀元先輩此皆已第稱先輩之明證

同年 同歲生 後漢書李固傳云有同歲生得罪於

冀風俗通曰南陽五世公爲廣陵太守與司徒長史  
殷遼叔同歲又云與東萊太守蔡伯起同歲又云蕭  
令吳斌與司徒韓濱同歲三國志魏武帝紀云公與  
韓遂父同歲孝廉魏武故事載公令曰顧視同歲中  
年有五十未名爲老漢敦煌長史武班碑云金鄉長  
河閒高陽史恢等追維昔日同歲郎署孝廉柳敏碑  
云縣長同歲犍爲屬國趙臺公晉書陶侃傳侃與陳

敏同鄉又同歲舉吏蓋今之同年古皆稱爲同歲唐  
憲宗問李絳曰人於同年固有情乎則至唐始有同  
年之稱也三國志周瑜傳言堅子策與瑜同年步騭  
傳言與廣陵衛旌同年此當是年齒之年耳

團司 國史補進士榜下擇一人爲團司

郎君 楊維禎詩馬上郎君出帝城 王定保摭言薛

逢晚年厄於宦途策羸馬赴朝值新進士榜下綴行  
而出見逢行李前導曰迴避新郎君逢蹶然卽遣一  
价語之曰報道莫貧相阿婆三五少年時也曾東塗

西抹來

祕校 卻掃編進士登科人初官多授試祕書省校書  
郎故至今新擢第人猶稱祕校

白衣卿相 通典進士科始於隋盛於唐其推重謂之

白衣卿相以白衣之士卽卿相之資也又摭言曰一

品白衫

一第溷子 唐書元結傳結舉進士楊浚見其文曰一

第溷子耳有司得子是賴果擢上第 山堂肆考人

辨才登高第者稱一第溷子



報羅使摭言進士放榜後必有一人下世者名報羅使言報大羅天也

一、下第舉人

明通會典乾隆二年議准此次會試之後遵照雍正五年之例揀選下第舉人文理明通者大省四十八人中省三十人小省二十八人見欽定令回本省以學正教諭卽用十年吏部議定各省應取明通數目卽咨禮部行知內簾考官於正榜外再取明通爲一榜案雍正五年上諭僅言文理明順而明通

二字之見於明文則始於乾隆二年至十年定爲明目另懸一榜

中正會典乾隆二十六年議准考試中書卽於會試薦卷中挑取應定考取之數以四十名爲額再備取二十名又議准六十名內簡用中書外尙有餘贖人員卽於此內量用數員交與吏部遇學正學錄缺挨取補用案此係挑取中書及學正學錄故謂之中正榜嗣於乾隆五十五年著將此例卽行停止俟帶領覆試合式之新進士引見後除已經錄用庶吉

士部屬卽用知縣二三十人以中書錄用

膳錄五會典嘉慶四年議准定例考取膳錄舉人貢監

均准考取卽在本年會試薦卷內照戊午科鄉試挑

取之例擬定名次咨送吏部折封註冊惟舉人議敘

例以知縣錄用會試人數較之鄉試亦多寡懸殊應

比照鄉試人數減爲三分之一挑取四十名以昭慎

中重

教習會典嘉慶十七年議准會試薦卷將咸安宮

學覺羅學景山學應取若干名先期行文知貢舉

揭曉時由知貢舉移會內簾由正副考官照依酌定

名數秉公選取

解元

解元明史選舉志士大夫通以鄉試第一爲解元

解頭全唐詩話張又新時號張三頭謂進士狀頭宏

詞勅頭京兆解頭又王維未冠進新曲號鬱輪袍並

灑出所作遂召試官至第論之作解頭登第文獻通

雅考長興四年取諸科解頭一人就列

榜首明史選舉志神宗十六年右庶子黃洪憲主順

天鄉試王錫爵子衡為榜首

鄉貢首與陰隲靈驗記唐李登者十八為鄉貢首

鄉元府元 洪皓松漢紀聞續金人科舉先於諸州

分縣赴試號為鄉試榜首日鄉元亦曰解元次年春

分三路類試謂之府試凡二人取一榜首日府元

五經解元史履園叢話康熙乙酉科長洲蔣學海以五

經申武是科進 呈題名錄蔣列於解元之前稱五

經解元前此無有也

欽賜解元由西樵野記劉儼典北畿秋試取徐泰為解

元泰本富族有欲為親厚薦者奏儼與泰有私禮部

請覆試上召試禁中取次折封與原榜無異仍賜泰

為解元時稱為欽賜解元

經魁

魁 會典各省鄉試士子分經肄業不能無人數多寡

之殊其詩書易三經習者人多故中額亦多即春秋

禮記習者甚少亦必設立一房取中數名者誠以並

列學宮欲士子不廢誦讀也 案 國初鄉試士子

必先陳明所習何經其中額亦即分經取中會典載

順治二年定京省各經中額順天易經四十九名詩經六十名書經二十六名春秋十五名禮記十一名其他各直省多寡有差是也中額既分經酌定卽每科第一名至第五名必於五經各中一名而每名各居一經之首故世有五經魁之稱

舉人

舉人 北齊書鮮于世榮傳以本官判尚書省右僕射事與吏部尚書袁聿修在尚書省簡試舉人 舊唐書高宗紀顯慶四年二月乙亥上親策試舉人凡九

百人 案明史選舉志三年大比以諸生試之直省曰鄉試中式者爲舉人蓋古稱所舉之人爲舉人未嘗定爲名目而稱鄉試中式曰舉人則自明始

舉子 蘇軾詩厭伴老儒烹瓠葉肯隋舉子踏槐花

邵伯溫聞見前錄錢若水爲舉子七月後復獻新文求拔解故時語曰槐花黃舉子忙

覓舉 唐書薛登傳登疏曰方今舉士明詔方下固已驅馳府寺之廷出入主公之第陳篇希恩奏記誓報故俗號舉人皆稱覓舉覓者自求也非彼之義

孝廉谷周禮鄉大夫興賢者能者注興賢者謂若今舉

孝廉興能者謂若今舉茂才漢武帝紀合二千石

貢舉孝廉孟浩然詩孝廉因歲貢李密陳情表察

臣孝廉

孝廉郎古樂府天子二千石申子孝廉郎

賢書周禮地官鄉老及鄉大夫獻賢能之書於王王

再拜受之登於天府陳造詩小捷已賢書王鏊

送戴大賓詩十四尚少十二多鄉書已中異等科

案明太祖實錄洪武二十年二月己丑以孝廉李德

為應天府尹則明初尚以孝廉為辟召之別稱而不

以之稱舉人矣

魁薦名山記仙遊縣尋陽山雲頂巖宋乾道中部使

者過此山曰當生異人後鄭僑擢魁薦官至樞相

鄉薦白居易詩閣被鄉里薦誤上賢能書李頻詩

一忝鄉書薦長安未得回顧雲山池洲衛郎中啟

公自隨鄉薦便託門牆

鄉進士正字通各直省鄉試中式曰鄉進士

鄉貢郎孟郊詩笑伊鄉貢郎踏上稱風流

上貢鄉貢賓貢宋史高麗傳高麗貢士三等王  
城曰上貢郡邑曰鄉貢他國入曰賓貢

公車陸長源詩去歲登美第榮名在公車 權德輿

詩會被公車薦知君久晦難

白袍子白正字通唐舉子入試皆著白衣故有白袍子

何太紛紛之語 蘇軾催試官考較詩願君聞此添

蠟燭門外白袍如立鵠 案國史補有客譏宋濟曰

近日白袍子何紛紛也濟曰由緋袍子紫袍子紛紛

化使然也

麻衣鬼 清異錄行腳僧驚舉子臚白麻衣鬼殆亦著

白衣之謂也

折桂人 劉得仁鶯出谷詩稍類冲天鶴多隨折桂人

入等 禮縷選 唐書選舉志吏部凡官員試判登科

謂之入等其拙者謂之禮縷選

綱官 續歸田錄蜀人石揚休屢拔鄉舉久屈春官蜀

人比之綱官蓋謂牙校部上貢入京師只空歸也

史武舉志

武舉 唐書選舉志武后長安二年始置武舉有長採

弓射步射筒射又有大搶翹關負重身材之選宋  
史選舉志乾道五年武舉廷試始依文科給黃牒榜  
首賜武舉及第餘並賜武舉出身又案蘇洵上仁宗  
皇帝書昔之所謂武舉者蓋疏矣其以弓馬得者不  
過挽強引重市井之麤材而以策試中者亦皆記錄  
人章句區區無用之學是唐宋以來本稱武舉也案  
宋之科目有進士有諸科有武舉今文科中式者稱  
舉人武科則祇稱武舉

孝廉方正 揚雄解嘲行非孝廉舉非方正 案今之

舉孝廉方正其始於此

副榜

副榜 明史選舉志崇禎七年甲戌知貢舉禮部侍郎  
林鈺言舉人顧茂猷文兼五經作二十五義帝念其  
該洽許送內廉茂猷中副榜特賜進士以其名另爲  
一行刻於試錄第一名之前五經中式者自此接跡  
矣 案副榜之稱始見於此然此則特賜進士於正  
榜之外副入另懸一榜以標殊異與今所謂鄉試之

副榜不同

副車 史記留侯世家秦皇東游良與客祖擊博浪沙  
中誤中副車 案今以舉人爲公車其以副車稱副  
榜固其所也

副貢生 會典鄉試中式舉人副於正榜曰副貢生

備榜 元史選舉志舉人下第者悉授以路府學正及  
書院山長又增取鄉試備榜亦授以郡學錄及縣教  
諭 案此謂鄉試備榜卽今之副榜是也

奉貢生

明經 唐書蔣儼傳儼擢明經第爲右屯衛兵曹參軍  
合璧事類張鷟號青錢學士謂萬選萬中時有董方  
九舉不第號白蠟明經與鷟爲對 宋史仁宗紀詔  
自今向歲貢舉天下進士諸科解舊額之半置明經  
科罷說書舉人又王巖叟傳仁宗患詞賦致經術不  
明初置明經科 案大唐新語隋煬帝置明經進士  
二科唐因隋制增置秀才明法明字明筭並前爲六  
科蓋當明以詩賦取者謂之進士以經藝取者謂之  
明經則明經實與進士相等而今稱貢生爲明經何



耶

道舉 劉馮事始唐明皇別置道學隸崇玄館課始明經謂之道舉

鄉貢 唐書選舉志每歲仲冬州縣館監舉其成者送之尚書省而選舉不由館學者謂之鄉貢 案此鄉貢自與上之鄉貢首鄉貢郎及高麗之鄉貢有異

歲進士 正字通歲貢曰歲進士

歲貢 蔡邕傳古者取士必使諸侯歲貢 明會典洪武十六年準天下府州縣於歲貢生員各一人易得

美官後以歲貢爲學校常例

恩貢 大明會典宏治九年丙辰始有恩貢之稱

功貢 會典諸生有從軍者以功升諸太學準作貢生與優貢生均視歲貢

優貢 會典學政歲科試竣於所報優生中擇尤送部考試廩增準作貢生

拔貢 會典十有二歲各拔其學之尤者而貢之曰拔貢

拔萃 孟子拔乎其萃 唐世有書判拔萃科新唐書

文藝傳李商隱擢進士第又試拔萃中選令借爲拔貢之稱 宋史太祖紀覆試拔萃科田可封宋白譚利用等稱旨又玉海建隆三年有司案選舉志通典選人有格未至而能試判三條曰拔萃

選貢 明史選舉志宏治中南京祭酒章懋於常貢外令提學行選貢之法不分廩膳增廣生員通行考選務求學行兼優年富力強累試優等者乃以充貢通計天下之廣約取五六百人以後三五年一行則人才可漸及往年矣乃下部議行之此選貢所由始也

案明之選貢卽今優拔貢之所自昉矣

納貢 明史選舉志納貢視例監稍優其實相仿也

案此卽生員之納粟入監者猶今之捐貢是也若民人納粟入監者謂之例監故納貢視彼爲優

秀才

秀才 案唐登科記武德至永徽每年進士或至二十餘人而秀才只一二人杜氏通典云初秀才科第最高試方畧策五條有上上中上下中上凡四等元宗御撰六典凡貢舉人有博識高才強學待問無失

俊選者爲秀才通二經以上者爲明經明閑時務精熟一經者爲進士張昌齡傳本州欲以秀才舉之昌齡一時廢此科已久固辭乃充進士貢舉及第則是秀才之名乃舉進士者之所不敢當也文苑英華判目有云鄉舉進士至省求試秀才考功不聽求訴不已趙某判曰文藝小善進士之能訪對不休秀才之目是又進士求試秀才而不可得也今則以生員而專稱此名矣 又案秀才二字始見管子小匡篇農之子常爲農樸野而不暱其秀才之能爲士者則足

賴也楊升庵謂始於趙武靈王吳越無秀才之語考其原文乃是秀士非秀才也史記儒林傳公孫宏等議有秀才異等輒以名聞是秀才科名所自起明實錄載洪武四年四月辛丑以秀才丁士梅爲蘇州府知府童權爲揚州府知府俱賜冠帶十年二月丙辰以秀才徐遵生爲翰林應奉十五年八月丁酉以秀才增泰爲戶部尙書則明初以秀才爲辟舉之稱而非所施於科目之士

老秀才 明實錄洪武十四年六月詔於國子諸生中

選才學優等聰明俊偉之士得三十七人命之博極羣書講明道德經濟之學以期大用稱之曰老秀才

案明史選舉志與此同

小秀才 澠水燕談錄宋翰林白贈麻仲英詩曰宣毫

歛硯川牋紙寄與麻家小秀才

茂才 後漢書注舊言光武名秀避光武諱故以秀才

稱茂才 案漢武帝詔合州郡察吏民有茂才異等

可爲將相及使絕國者 唐書楊季明傳季昭中茂

才第爲館中侍御史

弟子員 漢武帝紀丞相宏請爲博士置弟子員 范

成大詩句法甘從弟子員 朱文公年譜先生任同

安簿兼學事選邑之秀民充弟子員

諸生 叔孫通傳願徵魯諸生 又通進曰諸弟子儒

生隨臣久矣與共爲儀願陛下官之

生員 日知錄生員猶曰官員有定額謂之員 唐書儒

學傳國學始置生七十二員取三品以上子弟若孫

生爲之太學百四十員取五品以上四門學百三十

員取七品以上郡縣三等上郡學置生六十員中下

以十爲差上縣學置生四十員中下亦以十爲差此  
生員之名所始而明制亦略仿之

廩膳生 元史選舉志成宗大德十年春二月增生員

廩膳通前三十員爲六十員 明會典洪武初令在

京府學六十人外府學四十人州學三十人縣學二

十人日給廩膳聽於民間選補仍免其差繼三丁

案顧亭林云明初儒生無不廩食於學其後以多才

之地許令增廣亦不過三人五人而已踵而漸多於

是宣德元年定爲之額如廩生之數其後又有軍民

子弟俊秀待補增廣之名久之乃號曰附學無常額  
而學校自此濫矣

增廣生 南史梁武帝紀修飾國學增廣生員 論語

注唐太宗大召名儒增廣生員 案此爲今增生之

名所自昉

附學生 塗說褚稼軒廩增附說云學校生徒廩膳有

額增廣無額故名宣德四年增廣亦額景泰元年復

舊成化三年又額時人咸咎姚公夔京師語云和尚

普度秀才拘數禮部姚夔顛覆國祚姚請於朝因立

附學明祖崛起鼓舞文教惟恐不來故就學者舍之  
 黌宮給以膏火館之穀之恩施優渥厥名廩膳泊來  
 學者多居室充物益以旁舍增廣之名起焉原其初  
 之分廩增附者非以等第名也後乃以試事定色目  
 因爲成顯

學生後漢書靈帝紀光和四年始置鴻都門學生  
 唐書選舉志律學生五十人書學生三十人算學生  
 三十人

小學生 文獻通考政和四年小學生近一千人尙有

繼至者分十齋以處之增教諭俸不許受束修

學子 詩青青子衿傳青衿青領也學士之所服 林

景熙酬謝皋父詩風雅一手提學子履滿戶

青衿子 杜甫詩訓論青衿子名慚白首郎 陳子昂

詩勿使青衿子嗟爾白頭翁

窮措大 美措大 太平廣記李敬者夏侯孜之傭也

或爲其類所引曰今北面官人入則內貴出則使臣

到所在打風打雨爾何不從之而孜孜事一箇窮措

大有何長進耶 唐開元記葉法善居元貞觀忽有

一美措大傲睨直入稱鞠秀才  
醋大 闕史醋大知之久矣注中官謂南班無貴賤皆呼醋大 案他書多作措大又資暇錄代稱士流爲醋大往有士人貧居新鄭之郊以驢負醋巡邑而賣復落魄不調邑人指其醋馱而號之

學究 朱子名臣言行錄王荆公改科舉暮年乃覺其失曰本欲變學究爲秀才不謂變秀才爲學究

新生 風俗通俗儒新生不能采綜 案今新進學爲新生

新進 司馬光論風俗劄子新進後生未知臧否還魂秀才 泊宅編開封解榜出廖復被黜訴有司不公重考取已落者七十餘人時號還魂秀才

僧生 學政全書每學遵例舞用六僧卽照樂舞之數額設三十六名

官學生

官學生 晉書慕容皝載記賜其大臣子弟爲官學生者號高門生 案此爲今官生所自昉

官生 恩生 明史選舉志明初因前代任子之制文

官官一品至七品皆得廕一子以世其祿後乃漸爲限制在京三品以上方得請廕謂之官生出自特恩者不限官品謂之恩生或卽與職事或送監讀書

廕生

奏廕 洪皓鄱陽集金國以進士爲上奏廕次之軍功與他出身最下 案奏廕卽今之廕生也

廕子 書敘指南廕得官曰廕子

廕監 明史選舉志官生旣得廕敘由提學官考送部試如貢生例送入監中時內閣呂原子憲由廕監補

中書舍人 案此稱又互見監生類

監生

監生 說鈴宋世朝廷政事多由太學主持明初專重監生凡臺省要地悉任監生以寄耳目明末則否

案明初之監生與今之監生不同惟日知錄載明景泰四年四月己酉右少監武良禮部右侍郎兼左春坊左庶子鄒幹等奏臨清縣學生員伍銘等願納米八百石乞入監讀書五月庚申又令生員納米入監者比前例減三百石八月癸巳禮部又奏邇因濟甯



徐州饑權宜拯濟令生員輸米五百石入監讀書天  
順五年十月又令生員納馬廿疋補監生此則與今  
之監生相似矣然猶以生員納米及馬為之則為今  
之附監生而尚非今之監生

舉監 貢監 蔭監 例監 明史選舉志學校有二

曰國學曰府州縣學諸生又國學者乃可得官不入  
者不能得也入國學者通謂之監生舉人曰舉監生  
員曰貢監品官子弟曰蔭監捐貲曰例監同一貢監  
也有歲貢有選貢有恩貢有納貢同一蔭監也有官

生有恩生

國子學生 太學生 四門學生 唐書選舉志凡學

生皆隸於國子監國子學生三百人太學生五百人

四門學生千三百人

國子生 陪堂生 元史仁宗紀定國子生額為三百

人仍增陪堂生二十人 案明代國子生有選授藩

臬大官者今則國子生為出身之稱專以入貲得之

迥非昔比耳

俊秀 後漢黨錮傳太學諸生三萬餘人郭林宗賈偉

節爲其冠並與李膺陳蕃王暢更相褒重學中語曰  
天下俊秀王叔茂 唐書選舉志元和二年置東都  
監生一百員 朱子大學序與凡民之俊秀皆入太  
學 宋史選舉志帝念其中有俊秀能取高第者不  
宜例置下列遂諭部省寬展試期以待之 案明史  
選舉志云迨開納粟之例則流品漸淆且庶民亦得  
援生員之例以入監謂之民生謂之俊秀而監生益  
輕則稱納粟之監生爲俊秀自明始 宋史選舉志  
上舍 宋史選舉志其最優者爲上舍免發解及禮部

試而待賜之第

三舍生 宋史職官志凡諸生之隸於太學者分三舍  
歲計所隸三舍生升降多寡之數以爲學官最賞罰

武生

武學生員 明史選舉志崇禎十年令天下府州縣學  
皆設武學生員提學官一體考取

童生

童子郎 文獻通考漢法天幼少俊者拜童子郎 後  
漢書左雄傳雄奏徵海內名儒爲博士汝南謝廉河

南趙建年始十二各能通經雄並奏拜童子郎魏志司馬朗傳注朗年十二試為童子郎案宋於常選之外有制科有童子舉

童子科 唐書選舉志童子科十歲以下能通一經及孝經論語誦文十通者予官通七者予出身宋史柴中行傳謂太學風化首童子科又賈黃中傳黃中

六歲舉童子科 案宋有神童科

經童 金史章宗紀初設經童科

後進 李端贈趙神童詩每見先鳴早常憂後進多

女童生

女童 文獻通考自置童子科以來未有女童應試淳熙元年夏女童林幼玉求試中書後省挑試所誦經書四十三件並通詔特封孺人

布衣

布衣 文獻通考唐時士之及第者未便釋褐入仕尙有試吏部一關韓文公三試於吏部無成則十年猶布衣

白衣 史記儒林傳序公孫弘以春秋白衣為天子三

白公 後漢書鄭均傳拜議郎告歸勅賜尚書祿終其身時號為白衣尚書又崔駰傳憲諫以為不宜白衣會案白衣猶言白身也

徵君 後漢書黃憲傳初舉孝廉又辟公府天下號曰徵君

李善文選注江淹雜體詩有許徵君詢自序

陶徵君潛田居王徵君繳養疾詩

聘君 陶季直傳淡於榮利徵召不起號曰聘君

山人 玉海唐貞元十六年五月召山人崔苒對延英

殿又唐李泌傳白衣者山人也黃衣者聖人也

高士 史記魯仲連傳齊國之高士也 後漢書徐穉

傳郭林宗有母憂穉往弔置生芻一束於廬前而去

林宗曰此必南州高士徐孺子也 高士傳序高尚

之士王政所先厲激貪之務也

居士 宋蕭參希通錄本朝以居士稱者實繁即孟子

所謂處士也經中惟禮玉藻云居士錦帶注道藝處

士也輟耕錄居士云者處士之類也 南史到洽傳

洽清警有才學謝眺為吏部每稱其兼資文武欲薦

之洽深相拒絕遂築室巖阿幽居積歲時人號曰居

士

居子同上未出仕者曰居子

處士孟子處士橫議南史何點傳時人稱重其通

號曰遊俠處士

處子束皙補亡詩堂堂處子注處子處士也

隱者論語隱者也

逋客山堂肆考逋客避世之隱者也

素身魏書孝明帝紀詔曰人各薦其所知不限素身

白士儒林公議張詠在白士閒意概不羣

白屋說苑周公攝天子位七年窮巷白屋所先見者

四十九人古詩周公下白屋

白丁劉禹錫陋室銘往來無白丁

草莽臣孟子在野曰草莽之臣

傳遽臣禮記士曰傳遽之臣


刺草臣儀禮士相見禮庶人則曰刺草之臣

麋鹿臣表異錄唐右補闕陸誇題名在茅山自稱麋


鹿臣

有道大人漢李恢廣武君左車十四世孫高尚不仕





稽古錄 卷三十四  
號有道大人並見實寶錄



70047700

